

水經注釋地

十五之八

			九	漢
			一	書
			〇	門
一	四	四	入	
六	架	函	號	類

庫		閣		內	
二	九		漢		
一	一				
函	〇		書		
二	一	五			
一	六				
一	冊				

共十六

內閣文庫		
番號	漢	9105
冊數	16	(6)
函號	291	89

六



A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak



水經卷十五

漢桑欽撰

後魏酈道元注

新安張匡學三悅氏釋

淺草文庫

洛水

洛水出京兆上洛縣謹舉山

地理志曰洛出冢嶺山山海經曰出上洛西山又曰

謹舉之山洛水出焉東與丹水合水出西北竹山東

南流注於洛


洛水又東戶水注之

水北出發戶山南流入洛戶一作尸按山海經云尸

其中多美玉是知戶字譌也

洛水又東得乳水

上洛縣今陝西
直隸州商州又
冊屬維南縣地
謹舉山在州西
北一百二十里
竹山在州東南
二百里



良餘山在商州西南九十里

陽虛山在河南省河南府永寧縣西五十里

鹿蹄山在河南府宜陽縣界

元扈山在陝西商州雋南縣西北一百里

洛水在河南府鞏縣南

水北出良餘山南南注於洛

洛水又東會於龍餘之水

水出蟲尾之山東流入洛水山海經作蠱尾蟲字似譌又東至陽

虛山合宋本有於字元扈之水是也又曰自鹿蹠之山以

至元扈之山凡九山元扈亦山名也而通與謹舉為

九山之次焉故山海經曰此二山者洛間也是知元

扈之水出於元扈之山蓋山水兼受其目矣其水逕

於陽虛之下山海經曰又陽虛之山臨於元扈之水

是為洛汭也河圖玉版曰倉頡為帝南巡宋本作隨帝山海經

注引河圖但作為帝蓋為黃帝代巡也登陽虛之山臨於元扈洛汭之

水靈龜負書丹甲青文以授之即於此水也宋本也下有洛

水二又東歷清池山劄東合武里水水南出武里山

東北流注於洛

洛水又東門水出焉

爾雅所謂洛別為波也洛水又東要水入焉水南出

三要山東北逕拒陽城西而東北流入於洛洛水又

東與獲水合水南出獲興山俗謂之備水也東北逕

獲興川世名之為郤川東北流注於洛

洛水又東逕熊耳山北

禹貢所謂導洛自熊耳博物志曰洛出熊耳蓋開其

源者是也

東北過盧氏縣南洛水逕陽渠關北

熊耳山在河南直隸州陝州盧氏縣西南五十里

陽一作陽渠水出南陽渠山即荀渠山也其水一源

兩分川流半解一水西北流屈而東北入於洛山海

經曰熊耳之山浮豪之水出焉西北流注於洛疑即

是水也荀渠蓋熊耳之殊稱若太行之歸山也故地

說曰熊耳之山地門也按圖括地象云熊耳為地門其精上為壁附耳星也洛

水出其間是亦總名矣其一水東北逕陽渠城西故

關城也其水東北流注於洛

洛水又東逕盧氏縣故城南

竹書紀年晉出公十九年晉韓龍氏城今竹書云晉韓龐取盧氏城

王莽之昌富也有盧氏川水注之水北出盧氏山

東南流逕盧氏城東而流注於洛水又東龍翼合三

石城山在盧氏縣境

川竝出縣之南山東北注洛開山圖曰盧氏山宜五

穀可避水災亦通謂之石城山山在宜陽山西南千

名之山咸處其內陵阜原險易以度身者也又有葛

蔓谷水自南山流注洛水洛水又東逕高門城南即

宋書所謂後軍外兵龐季明入盧氏進達高門木城

者也

洛水東與高門水合

水出北山東南流合洛水枝津水上承洛水東北流

逕石勒城北又東逕高門城北東入高門水亂流南

注洛

洛水又東松楊谿水注之

鶉鴝山在河南
府水寧縣西

水出松楊山北流注於洛洛水又東逕黃亭南又東
合黃城谿水水出鶉鴝山有二峰峻極於天高崖雲
舉亢石無階援徒器其捷巧鼙族窮宋本作謝其輕工及
其長霄冒顛一作嶺層霞冠峰方乃宋本作可就辨優劣耳
故有大小鶉鴝之名矣谿水東南流厯亭下謂之黃
亭谿水而宋本作又東南入於洛水洛水又東得荀公澗
口水出南山荀澗即龐季明所入荀公谷者也其水
厯谷東北流注於洛水洛水又東逕檀山南其山四
絕孤峙山上有隲聚俗謂之檀山隲義熙中劉公西
入長安舟師所居次於洛陽命參將戴延之與府舍
人虞道元即舟遡流窮覽洛川欲知水軍可至之處

延之居此而返竟不達其源也

洛水又東庫谷水注之

水自宜陽山南三川竝發合為一谿東北流注於洛
洛水又東得鶉鴝水口水發北鶉鴝澗東南流入於
洛洛水又逕僕谷亭北左合北水水出北山東南流
注於洛洛水又東侯谷水出南山北流入於洛洛水
又東逕龍驤城北龍驤將軍王鎮惡從劉公西入長
安陸徑所由故城得其名洛水又東左合宜陽北山
水水自北谿南流注洛洛水又東廣由澗水注之水
出南山由谿北流逕龍驤城東而北流入於洛洛水
又東右得直谷水水出南山北逕屯城西北流注於

洛水也

又東北過蠡城邑之南

城西隰水出北四里山上原高二十五丈故黽池縣
治南對金門隰水南五里舊宜陽縣治也洛水右會
金門谿水水南出金門山北逕金門隰西北流入於
洛洛水又東合款水有二源竝發兩川逕引謂之大
款水也合而東南入於洛洛水又東黍良谷水入焉
南出金門山開山圖曰山出多重固在韓建武二年
強弩偏將軍陳俊轉擊金門白馬皆破之即此也而
東北流注於洛洛水又東左合北谿南流入於洛也
又東過陽市邑南又東北過于父邑之南

蠡城今澠池縣地
澠池縣宜陽縣
俱河南府屬縣

金門山在永寧
縣西南三十里

太陰谷水南出太陰谿北流注於洛洛水又東合白
馬谿水出宜陽山澗有大石厥狀似馬故谿澗以物
色受名也谿水東又疑作東北流注於洛洛水又東有
昌澗水注之水出西北宜陽山而東南流逕宜陽故
郡南舊陽市邑也故洛陽都典農治此後改為郡其
水又東舊本作南注於洛洛水又東逕一合隰南城在川
北原上高二十丈南北東三箱天嶮峭絕唯築西面
即為合固一合之名起於是矣劉曜之將攻河南也
晉將軍魏該奔於此故于父邑也洛水又東合杜楊
澗水水出西北杜楊谿東南逕一合隰東與槃谷水
合亂流東南入洛

女几山在宜陽
縣西九十里

洛水又東渠谷

渠谷上下
疑有闕

水出宜陽縣南女几山東北流逕雲中鵑在上迨遶
層峻流煙半垂纓帶山阜故鵑受其名水又東北入
洛水臧榮緒晉書稱孫登嘗經宜陽山作炭人見之
與語登不應作炭者覺其精神非常咸共傳說太祖
聞之使阮籍往觀與語亦不應籍因大嘯登笑曰復
作向聲又為嘯求與俱出登不肯籍因別去登上峰
行且嘯如簫韶笙簧之音聲振山谷籍怪而問作炭
人作炭人曰故是向人聲籍覓求之不知所止推問
久之乃知姓名余按孫綽之敘高士傳言在蘇門山
又別作登傳孫盛魏春秋亦言在蘇門山又不列姓

熊耳山在宜陽
縣西

又東北過宜陽縣南

名阮嗣宗感之著大人先生論言吾不知其人即一作
既神遊自得不與物交阮氏尚不能動其英操復不
識何人而能得其姓名

洛水之北有熊耳山雙巒競舉狀同熊耳此自別山
不與禹貢導洛自熊耳同也昔漢光武破赤眉樊崇
積甲仗與熊耳平即是山也山際有池池水東南流
水側有一池世謂之龜池矣又東南逕宜陽縣故城
西謂之西度水又東南流入於洛
洛水又東逕宜陽縣故城南

秦武王以甘茂為左丞相曰寡人欲通三川窺周室

韓今宜陽縣韓
城鎮洛水在東
南向東流

死不朽矣茂請約魏以攻韓斬首六萬遂拔宜陽城
故韓地也後乃縣之漢哀帝封息夫躬為侯國城之
西門赤眉樊崇與盆子及大將等奉璽綬劔壁處世
祖不即見明日陳兵於洛水見盆子等謂盆子丞相
徐宣曰不悔乎宣曰不悔上歎曰卿庸中噉噉鐵中
鏘鏘也洛水又東與厭梁之水合水出縣北傳一作
山大陂山無草木其水自陂北流屈而東南注世謂
之五延水又東南流逕宜陽縣故城東東南流注於
洛洛水又東南黃中澗水出北阜二源奇發總成一
川東流注於洛洛水又東祿泉注之其水近出北谿
洛水又東共水入焉水北出長石之山山無草木其

陸渾縣今河南
府嵩縣地

西有谷焉厥名共谷共水出焉南流得尹谿口水出
西北尹谷東南注之其水右與西南左澗水會水東
出近川西流注於共水共水又南與李谷水合水出
西北李谿東南注蓁水蓁水發源蓁谷西南流與李
谷水合而西南流入共水共水世謂石頭泉而南流
注於洛洛水又東黑澗水南出陸渾西山歷於黑澗
西北入洛洛水又東臨亭川水注之水出西北近谿
東南與湖長澗水會水出北山南入臨亭水又東南
歷九曲西而南入洛水也
又東北出散關南
洛水東逕九曲南其地十里有阪九曲穆天子傳所

新安縣今河南府屬縣

石墨山在宜陽縣西南二里

周靈王冢在河南府城西南西周山上

謂天子西征升於九阿此是也洛水又東與豪水會水出新安縣密山南流歷九曲東而南流入於洛洛水之側有石墨山山石盡黑可以書疏故以石墨名山矣

洛水又東枝瀆左出焉

東出關絕惠水又逕清女冢南冢在北山上者舊傳云斯女清貞秀古迹表來今矣故瀆又東逕周山上周靈王冢皇覽曰周靈王葬於河南城西南周山上蓋以王生而神故諡曰靈其冢人祠之不絕又東北逕柏亭南皇覽曰周山在柏亭西柏謂斯亭也又東北逕三王陵東北出焉三王或言周景王悼王定

王也魏司徒公崔浩注西征賦云定當為敬

潘岳西征賦云

洛景悼以治刳敬凌遲而彌季崔時所傳或作定悼故云定當作景傳寫者又誤以景作敬耳敬王名旬安得疊言子朝作難西周政弱人荒悼敬二王與景之埋乎

王俱葬於此故世以三王名陵帝王世紀曰景王葬

於瞿泉一作瞿泉今洛陽大倉中大冢是也而復傳言在

此所未詳矣又悼敬二王稽諸史傳復無葬處今陵

東有石碑錄報王以上世王名號考之碑記周墓明

矣故瀆東北歷制鄉逕河南縣王城西歷郊鄆陌杜

預釋地曰縣西有郊鄆陌謂此也故瀆又北入穀蓋

經始周啓瀆久廢不修矣洛水自枝瀆又東出關惠

水右注之世謂之八關水戴延之西征記謂之八關

河南縣故城在河南府城內郊鄆陌在城西

函谷新關在河南府新安縣東二里
伊闕山在河南府城西南三十里
大谷關在陝州閿鄉縣西南秦山谷

輶轅關在河南府登封縣西北輶轅山嶺
漢孟津關在河陽縣晉改富平津今河南府孟津縣境

維杜注武王但營維邑未有都城周公乃卒營維邑謂之王城即河南城也今河南府洛陽縣城內西偏即王城故址

澤即經所謂散關鄣自南山橫洛水北屬於河皆關塞也即楊僕家僮所築夫惠水出白石山之陽東南流與瞻水合水東出婁涿之山而南流入惠水惠水又東南謝水山海經作謝水北出瞻諸之山東南流又有交觸之水北出廆山南流俱合惠水惠水又南流逕關北城二十里者也其城西阻塞垣東抗惠水靈帝中平元年以河南尹何進為大將軍五營士屯都亭置函谷關廣城伊闕大谷輶轅旋門平津孟津等八關都尉官治此函谷為之首在八關之限故世人惣其統目有八關之名矣其水又南流入於洛水山海經曰白石之山惠水出其陽而南流注於洛謂是水也

洛水又與虢水會水出林楮之山山海經曰扶楮之山虢水出焉北流注於洛水其南則鹿蹠之山也世謂之非山也其山陰則峻絕百仞陽則原阜隆平甘水發於東麓北流注於洛水也

又東北過河南縣南

周書稱周公將致政乃作大邑成周於中土南繫於洛水北因於郊山以為天下之大湊孝經援神契曰八方之廣周洛為中謂之洛邑竹書紀年晉定公二十年洛絕於周魏襄王九年洛入成周山水大出南有甘洛城郡國志曰所謂甘城也地記曰洛水東北過五零陪舊本作倍尾北與澗瀍合是二水東入千金渠

故瀆存焉

又東過洛陽縣南伊水從西來注之

洛陽周公所營洛邑也故洛誥曰我卜瀍水東亦惟
洛食其城方七百二十丈南繫於洛水北因於邠山
以為天下之漭方六百里因西為千里春秋昭公二
十三年晉合諸侯大夫成成周之城故亦曰成周也
遷自序云太史公留滯周南摯仲治曰古之周南今
之洛陽漢高祖始欲都之感婁敬之言不日而駕行
矣屬光武中興宸一本居洛邑逮於魏晉咸兩宅焉
故魏略曰漢火行忌水故去其水而加佳魏為土德
土水之牡也水得土而流土得水而柔除佳加水長

沙耆舊傳云祝良字石卿為洛陽令歲時亢旱天子
祈雨不得良乃曝身階庭告誠引罪自晨至午紫雲
水起甘雨登降人為歌曰天久不雨丞人失所天王
自出祝令特苦精符感應滂沱下雨則縣司及河南
尹治司隸周官也漢武帝使領徒隸董督京畿因名
司州焉地記曰洛水東入於中提山間東流會於伊
是也昔黃帝之時天大霧三日帝遊洛水之上見大
魚煞五牲以醮之天乃甚雨七日七夜魚流始得圖
書今河圖視萌篇是也昔王子晉好吹鳳笙招延與
道士浮邱同遊伊洛之浦舍始又受玉雞之儒瑞於
此水

舍始當作舍始儒字衍帝王世紀曰漢高帝母
曰舍始遊於洛池有玉雞銜赤珠出刻曰玉英

袁術固在河南
府偃師縣西南
三十五里

吞此者王含始亦洛神宓妃之所在也洛水又東合
吞之而生帝也水南出半石之山北逕今水隄疑作合水而東北流注於
公路澗但世俗音譌號之曰光祿澗非也上有袁術
固四周絕澗迢遞百仞廣四五里有一水淵而不流
故谿澗即其名也合水北與劉水合水出半石東山
西北流於劉聚三面臨澗在緱氏西南周畿內劉子
國故謂之劉澗其水西北流注於合水合水又北流
注於洛水也

又東過偃師縣南

洛水東逕計素渚中朝時百國貢計所頓故渚得其
名又東逕師故縣南與緱氏分水又東休水自南注

少室山在河南
府登封縣北一
十里中岳嵩山
東曰太室西曰
少室

緱氏山在偃師
縣南四十里撫
父堆俗呼覆釜
堆在山上

之其水導源少室山西流逕穴山南而北與少室山
水合水出少室北谿西南流注休水休水又左會南
谿水發大穴南山北流入休水休水又西南北屈潛
流地下其故瀆北屈出峽謂之大穴口北歷覆釜堆
東蓋以物象受名矣又東居零星隄水流似流字潛通
重源又發側緱氏原開山圖謂之緱氏山也亦云仙
者升焉言王子晉控鶴斯阜靈王望而不得近舉手
謝而去其家得遺屐俗亦謂之為撫父堆堆上有子
晉祠或言在九山非此世代已遠矣莫能辨之劉向
疑脫列字仙傳云世有簫管之聲焉休水又逕延壽城南
緱氏縣治故滑費春秋滑國所都也王莽更名中亭

緱氏縣故址在
偃師縣南二十
里

即緱氏城也城有仙人祠謂之仙人觀休水又西轉
北屈逕其城西水之西南有司空密陵光侯鄭廟碑
文缺不可復識又有晉城門校尉昌原恭侯鄭仲林
碑晉皇始六年立休水又北流注於洛水洛水又東
逕百谷鵠北戴延之西征記曰鵠在川南因而宋本
為鵠高一十餘丈劉武王西入長安舟師所堡也
洛水又北陽渠水注之

南鄆今曰鄆溪
在偃師縣東北
一十四里

竹書紀年晉襄公六年洛絕於洵即此處也洛水又
北逕偃師城東東北歷鄆中水南謂之南鄆中水之
南鄆亦曰上鄆也逕訾城西司馬彪所謂訾聚也而
鄆水注之水出北山鄆谿其水南流世謂之温水泉

河南通志載東
訾城在鞏縣西
南四十里又訾
王城周赧王所
築在鞏縣西孝
義堡

水側有重一作童人穴穴中有僵尸戴延之從劉武王
西征記曰有此尸尸今猶在夫物無不化之理魂無
不遷之道而此尸無神識事同木偶之狀喻其推移
未若正形之速遷矣鄆水又東南於訾城西北東入
洛水故京相璠曰今鞏洛渡北有鄆谷水東入洛謂
之下鄆故有上鄆下鄆之名亦謂之北鄆於是有南
鄆北鄆之稱矣又有鄆城蓋周大夫鄆盼之舊邑
洛水又東逕訾城北又東羅水注之

訾村注在河南
鞏縣西南路史
曰訾有二西訾
在洛東訾在鞏
此西訾也今按
洛無訾城東西

出方山羅川西北流蒲池水注之疑脫出南浦陂西
北流合羅水謂之長川羅亦曰羅中也蓋盼子鄆羅
之宿居故川得其名耳盼當作屏左傳昭公二十三年王子朝入於王朝鄆羅納

皆在鞏縣路
史誤

諸莊宮杜預云鄠羅
周大夫鄠肸之子也
羅水又西北白馬谿水注之水
出崧山北麓逕白馬鳴東而北入羅水西北流白相
澗水注之水出嵩麓桐谿北流逕九山東又北九山
東谿水入焉水出百稱山東谷其山孤峰秀出巉嶢
分立仲長統曰昔密有十城者身遊九山之上放心
不拘之境謂是山也山際有九山廟廟前有碑云九
顯靈府君者太華之元子陽九列名號曰九山府君
也南據崧岳北帶洛瀍晉元康二年九月太歲庚午
帝遣殿中一作太歲在戌皇帝遣去云按世譜晉元
康二年太歲在壬子而用歷經推之是年中郎將關內侯樊廣緱氏令王與傳演
九月乙亥朔
無庚午日也王與主簿傳演奉宣詔命興立廟殿焉又有百蟲將

軍顯靈碑碑云將軍姓伊氏諱益字隤高陽之

第二子伯益者也史記秦本紀云顛頊之裔孫大業
生大費佐舜調馴鳥獸是為柏翳

索隱云柏翳即尚書之伯益列女注云皋子五歲而
贊禹曹大家注云皋子者皋陶之子伯益也此碑謂
益字隤高陽高陽之子第二子與史記異左傳所記隤
散庭堅並高陽氏之子杜元凱左傳注又云皋陶字
庭堅則父子同在八愷
之中不應並時而舉也晉元康五年七月七日順人

吳義等建立堂廟永平元年二月二十日刻石立頌

贊示後賢矣其水東北流入白相澗又北逕袁公隄

東蓋公路始固有此也故有袁公之名矣北流注於

羅水羅水又西北逕袁公隄北又西北逕潘岳子父

墓前有碑岳父茈瑯琊太守碑石破落文字缺敗岳

碑題云給事黃門侍郎潘君之碑碑云君遇孫秀之

水經注卷十五

谿泉杜注鞏縣西南有明谿泉

難闔門受禍故門生感覆醢以增慟乃樹碑以記事太常潘原之辭也羅水又於訾城東北入於洛水也又東北過鞏縣東又北入於河

洛水又東明樂泉注之水出南原下三泉竝導故世謂之五道泉即古明谿泉也春秋昭公二十二年師次於明谿者也洛水又東逕鞏縣故城南東周所居也本周之畿內鞏伯國也春秋左傳所謂伊文父一作公涉於鞏即於此也洛水又東濁水注之即古湟水也水出南原京相璠曰訾城北三里有黃亭即此亭也春秋所謂次於黃者也洛水又東北洞水發南谿石泉世亦名之為石泉也京相璠曰鞏東地名坎飲

坎飲杜注周地在鞏縣東

在洞水東疑即此水也又逕盤谷陽東世又名之曰鹽谷水司馬彪郡國志鞏有坎飲聚春秋僖公二十四年王出及坎飲服虔亦以為鞏東邑名也今考厥文若狀焉而不能精辨耳晉太康地記晉書地道記竝言在鞏西非也其水又北入洛

洛汭一名什谷在鞏縣洛水入黃河處

山海經曰洛水成皋西入河是也謂之洛汭即什谷也故張儀說秦曰下兵三川塞什谷之口謂此川也史記音義曰鞏縣有鄴谷水者也史記張儀傳云塞黃帝東巡河過洛修壇沈璧受龍義曰斜一作尋成圖於河龜書於洛赤文篆字堯帝又循壇河洛擇良

議沈榮光出河休氣四塞白雲起迴風逝赤文綠色
廣袤九尺負理平上有列星之分什政之度帝王錄
記興亡之數以授之又東沈書於日穆赤光起元龜
負書背甲赤文成字遂禪於舜舜又習堯祀沈書於
日穆赤光起元龜負位疑作負書至於穆下榮光休至黃
龍卷甲舒圖壇畔赤文緣錯以授舜舜以禪禹殷湯
東觀於洛習禮堯壇降璧三沈榮光不起黃魚雙躍
出濟於壇黑烏以浴隨魚亦上化為黑玉赤勒之書
黑龜赤文之題也湯以伐桀故春秋說題辭曰河以
道坤出天苞洛以流川吐地符王者沈禮焉竹書紀
年曰洛伯用與河伯馮夸鬪蓋洛水之神也昔夏太

康失政為羿所逐其昆弟五人須於洛汭作五子之
歌於是地矣

伊水出南陽縣西蔓渠山

山海經曰蔓渠之山伊水出焉淮南子曰伊水出上
魏山地理志曰出熊耳山即麓大同陵巒互別耳水
自熊耳東北逕鸞川亭北茲水出茲山北流際其城
東而北入伊水世人謂伊水為鸞水茲水為交水故
名斯川為鸞川也又東為淵潭潭渾若沸亦不測其
深淺也伊水又東北逕東亭城南又屈逕其亭東東
流者也宋本作東北流

東北過郭落山

南陽縣今河南
南陽府附郭首
縣

陸渾縣今河南
府嵩縣地

三塗山在嵩縣
西南一十里

陽水出陽山陽谿世人謂之太陽谷水亦取名焉東
流山海經作北流入伊水伊水又東北鮮水入焉水出鮮山
北流注於伊伊水又與蠻水合水出盧氏縣之蠻谷
東流入於伊

又東北過陸渾縣南

山海經曰瀟瀟之水出於釐山南流注於伊水今水
出陸渾縣之西南王母澗澗北山上有王母祠故世
因以名谿東流注於伊水即瀟瀟之水也伊水歷崖
口山峽也翼崖深高壁立若闕崖上有隄伊水逕其
下歷峽北流即古三龕山也杜預釋地曰山在縣南
闕駟十三州志云山在東南今是山在陸渾故城東

南八十許里春秋昭公四年司馬侯曰四岳三龕陽
城太室荆山中南九州之險也服虔曰三龕太行轅
轅嶠甬非南望也京相璠之著春秋地名亦云山名
也以服氏之言云塗道也準周書南望之文服言宜
為轅轅大道伊闕皆為非也春秋晉伐陸渾請有事
於三龕知是山明矣有七谷水注之水西出女机山
之南七谿山上有西王母祠東南流注於伊水又北
蚤谷水注之水出女机山之東谷東逕故亭南東流
入於伊水伊水又東北逕伏流嶺東嶺上有崑崙祠
民猶祈焉劉澂之永初記稱陸渾縣西有伏流阪者
也今山在縣南崖口北三十里許西則非也北與溫

陸渾山一名方
山在嵩縣東北
四十里

泉水合水出新城縣之狼羣山之西南阜下西南流
會於伊水伊水又東北逕伏睹嶺左納焦澗水水西
出鹿膊山東流孤山南其山介一作分立豐上單秀孤
峙故世謂之方山即劉中書澂之所謂縣有孤山者
也東歷伏睹嶺南東流注於伊伊水又東北涓水注
之水出陸渾西山即陸渾山也尋郭文之故居訪
胡昭之遺象世去不停莫識所在晉書郭文字文舉
河內軹人也少愛
山水尚嘉遜父母服畢辭家遊名山洛陽陷乃步擔
入吳興餘姚大辟山中而居焉魏志云胡昭字孔明
潁川人居陸渾山中躬耕樂道以經籍自娛閭里敬
而愛之寇賊到陸渾南長樂亭自相約誓言胡居士
賢者也一不得犯其部其水有二源俱導而東注號
略在陸渾縣西九十里也司馬彪郡國志曰縣西號

陸渾縣故城在
嵩縣北三十里

伊川杜注周地
伊水也

略池春秋所謂東盡於號略者也北水東流合侯澗
水澗出西北侯谿東南流注於涓水涓水又東逕陸
渾縣故城北平王東遷辛有適伊川見有被髮而祭
於野者曰不及百年此其戎乎魯僖公二十二年春
晉遷陸渾之戎於伊川故縣氏之也涓水東南流左
合南水水出西山七谷亦謂之七谷水祖澗東逝歷
其縣南又東南左會北水亂流左合禪渚渚水上承
陸渾縣東禪渚渚左原上陂方十里佳饒魚葦一作葦
即山海經所謂南望禪渚禹父之所化郭景純注云
一禪音暖山海經云青要之山北望河曲南望
禪渚禹父之所化郭景純云禪音填魚化
羽淵而復在此然已變怪亦無往而不化矣世謂此

空桑澗在萬縣
南一十五里

澤為慎望陂陂水南流注於涓陽水涓陽水又東南
注於伊水昔有莘氏女采桑於伊川得嬰兒於空桑
中言其母孕於伊水之濱夢神告之曰白水出而東
走毋明視而見白水出焉告其鄰居而走顧望其邑
咸為水矣其母化為空桑子在其中矣莘女取而獻
之命養於庖而長有賢德殷以為尹曰伊尹也

又東北過新城縣南

馬懷橋長水出新城西山東逕晉使持節征南將軍
宋均碑南均字文平縣人也其碑太始三年十二月
立其水又東流入於伊又有明水出梁縣西狼羣山
俗謂之石澗水也西北流逕楊亮壘南西北合康水

亦出狼羣山東北流逕范陽北與明水合北汶

西南流入於伊山海經曰放臯之山

舊本作放羣郭景純注山海經

放臯山云放或作効又作牧明水出焉南流注於伊水是也伊水

又與大戟水會出渠一作梁縣西水有二源北水出廣

城西南西南逕楊志陽北與南水合水源南出廣城

澤西流陸渾河南十二縣簿曰廣城澤在新城縣界

黃臯西北流屈而東逕楊陽南又北屈逕其陽東又

逕陽北同注老倒澗俗謂之老倒澗水西流入於伊

伊水又北逕新城東與吳澗水會水出縣之西山東

流南屈逕其縣故城西又東轉逕其縣南故蠻子國

鄭聚人稱蠻子
城在河南府城
東南

陽城縣今登封
縣地

綸氏縣故城在
登封縣西南八
十里夏綸國地

又東北流注於伊水伊水又逕西北當階城西大狂
水入焉水東出陽城縣之大誓口山海經曰大誓之
山多璵璠之玉其陽狂水出焉西南流其中多三足
龜人食之者無大疾可以已腫狂水又西逕綸氏縣
故城南竹書紀年曰楚吾得帥師及秦伐鄭圍綸氏
者也左與倚薄山水合水北出倚薄之山南逕黃城
舊本作西又南逕綸氏故城東而南流注於狂水狂
水又東宋本八風谿水注之水北出八風山南流逕
綸氏城西西南流入於狂水狂水又西得三交水口
水有二源各導一谿竝出山南合流故世有三交之
名也其水西南流注於狂水狂水又西逕岳高山北

西南與湮水合水出東北湮谷西南流逕武林亭東
北又屈逕其亭南其水又西南逕湮陽亭東蓋藉水
以名亭也又東南流入於狂狂水又西逕湮陽城南
又西逕當階城南而西流注於伊伊水又北上溝水
古本上溝出元望西山一作東逕元望山南又東逕
作土溝新城縣故城北東流注於伊水伊水又北板橋水入
焉水出西山東流入於伊水伊水又北會厭澗水水
出西山東流逕邠邠音亭南春秋左傳文公十七
年秋周甘斂敗戎於邠垂者也服虔曰邠垂在高都
南杜預釋地曰河南新城縣北有邠垂亭司馬彪郡
國志曰新城有高都城今亭在城南七里遺基猶在

邠垂杜注周地
今河南府洛陽
縣

魏明帝高平陵
在河南府孟津
縣舊河清城界

伊闕在洛陽縣
西南三十里一
名關口即關塞
山

一本有京相璠曰舊說言邨垂在高都南今上黨有
高都縣余謂京論疎遠未足以證無如虔說之旨密
矣其水又東注於伊水伊水又北逕高都城東徐廣
史記音義曰今河南新城縣有高都城竹書紀年梁
惠成王十七年東周與鄭高都利者也又來需之水
出於半石之山西南流逕斌輪城北西歷芟澗一作艾澗
水以其西流又謂之小狂水也其水又西南逕大石
嶺南開山圖所謂大石山也山下有大石嶺碑河南
隱士通明以漢靈帝中平六年八月戊辰於山堂立
碑文字淺鄙殆不可尋魏文帝獵於此山虎超乘輿
孫禮拔劔投虎於是山山在洛陽南而劉澂之言在

洛東北非也山阿有魏明帝高平陵王隱晉書曰惠
帝使拔尉陳總仲元詣洛陽山請雨總盡除小祀唯
存大石而祈之七日大雨即是山也來需之水又西
南逕赤眉城南又西至高都城東西入伊水謂之曲
水也

又東北過伊闕中

伊水逕前亭西左傳昭公三十二年晉箕遺樂徵右
行跪濟師取前城者也三十二年左傳作京相璠曰
今洛陽西南五十里伊闕外前亭矣服虔曰前讀為
泉周地也伊水又北入伊闕昔大禹疏以通水兩山
相對望之若闕伊水歷其間北流故謂之伊闕矣春

洛陽縣今河南
府附郭首縣

秋之闕塞焉昭公二十六年趙鞅使女寬守闕塞是也陸機云洛有四闕斯其一焉東巖西嶺竝鑄石開軒高甍架峰西側靈巖下泉流東注入於伊水傅毅反都賦曰因龍門以暘化開伊闕以達聰也闕左壁有石銘云黃初四年六月二十四日辛巳大出水舉高四丈五尺齊此已下蓋記水之漲滅也右壁又有石銘云永康五年河南府君循大禹之軌部督郵辛曜新城令王琨部監作掾董猗李褒斬岸開石平通伊闕石文尚存也

又東北至洛陽縣南北入於洛

伊水自闕東北流枝津右出焉東北引漑東會合水

後魏園丘營於
葵梁山在河南
府城東三十五
里

同注公路澗入於洛今無水戰國策曰東周欲為田西周不下水蘇子見西周君曰今不下水所以富東周也民皆種他種欲食之如下水以病之東周不必復種稻種稻而復奪之是東周受於君矣西周遂下水即是水之故渠也伊水又東北枝渠左出焉水積成湖北流注於洛合伊水伊水又東北至洛陽縣南逕園丘東大魏郊天之所準漢故事建之漢書郊祀志曰建武二年制郊兆於洛陽城南七里為園壇八陛中又為重壇天地位其上皆南向其外壇上為五帝位其外為壇重營皆紫以象紫宮按禮天子大裘而冕祭昊天一作上帝於此今袞冕也壇壇無

河南通志載穀
城山在河南府
城西北漢置穀
城縣以山名

灑水出河南穀城縣北山

縣北有潛亭灑水出其北梓澤中梓澤地名也澤北對原阜即裴氏墓塋所在碑闕存焉其水歷澤東南流水西有一原其上平敞古舊亭之處也即潘安仁西征賦所謂越街郵者也

東與千金渠合

周書曰我卜灑水西謂斯水也東南流水西南有帛仲理墓墓前有碑題云真人帛君之表仲理名護益州巴郡人晉永寧二年十一月立灑水又東南流注於穀穀水自千金塢東注謂之千金渠也

又東過洛陽縣南又東過偃師縣又東入於洛澗水出新安縣南白石山

山海經曰白石之山惠水出於其陽東南注於洛澗水出於其陰北流注於穀山海經作南流注於洛西北流注於穀世謂是山曰廣陽山水曰赤岸水亦曰石子澗地理志曰澗水出新安縣東南東入洛是謂密矣東北流歷函

千金渠在河南
府城外三十五
里

白石山在河南
府澗池縣東北
二十三里廣陽
山在縣東北三
十里

北山澗池山即廣陽
澗池縣東

東南入於洛

谷東阪東謂之八特阪山海經曰北流注於穀摯仲
治三輔波錄注云馬氏兄弟五人共居穀澗二水之
交古本作澗穀御覽引作五門客因舍以為名今在
此同吳本改作穀澗河南西四十里以山海經推按里數不殊仲治所記
水會尚有故居處斯則澗水也即周書所謂我卜澗
水東言水者是也御覽引此無
言水二字

千金渠一名千
金堰在河南府
城外三十五里

有水世謂之慈澗又謂之澗水按山海經則少水也
而非澗水蓋習俗之誤耳又按河南有離山水謂之
為澗水水西北出離山東南流注於離山澗水也又
東南流歷邾山於穀城東而南流注於穀舊與穀水
亂流流同一作
同流南入於洛今穀水東入千金渠澗水
與之俱東入洛矣或以是水竝為周公之所相卜也
呂忱曰今河南使水疑其是即此水也然意所未詳
故竝書存之耳

水經卷十五

新唐書
地理志
卷一百一十五
水經

水經卷十六

漢桑欽撰

後魏酈道元注

新安張匡學三悅氏釋

穀水

甘水

漆水

澹水

沮水

穀水出宏農黽池縣南墦冢林穀陽谷

澠池縣今河南府屬縣

山海經曰傅山之西有林焉曰墦冢穀水出焉東流

注於洛其中多珉玉珉今山海經作珉御覽引作珉今穀水出於墦

東馬頭山穀陽谷東北流歷黽池川本中鄉地也漢

景帝三年初徙萬戶為因墦黽之池以目縣焉亦或

謂之彭池故徐廣史記音義曰黽或作彭穀水處也

穀水又東逕秦趙二城南司馬彪續漢書曰赤眉從

回溪在河南府永寧縣北六十里
澠池在澠池縣治北
東嶠西嶠在永寧縣北六十里
二嶠相距三十五里
新安縣今河南府屬縣
楚坑在新安縣西南

澠池自利陽南欲赴宜陽者也世謂之俱利城者嘯曰昔秦趙之會各據一城秦王使趙三鼓瑟蘭相如令秦王擊缶處也馮異又破赤眉於是川矣故光武璽書曰始雖垂翅回谿終能奮翼澠池可謂失之東隅收之桑榆矣穀水又東逕土嶠北所謂二嶠也穀水又東左會北谿谿水北出澠池山東西流注於穀疑即孔安國所謂澗水也穀水又東逕新安縣故城南北夾流而西接嶠澠昔項羽西入秦坑降卒二十萬於此國滅身亡宜矣穀水又東逕千秋亭南其亭累石為垣世謂之城也潘岳西征賦曰亭有千秋之號子無七旬之期謂是亭也又東逕於雍谷谿回岫

峽石在河南直隸州陝州城東舊峽石縣地即古嶠陵關

缺門山一名扼山在新安縣西三十里

縈紆石路阻峽故亦有峽石之稱矣晉水厯側左與北川水合水有二源竝導北山東南流合成一水自乾注巽入於穀穀水又東逕缺門山山阜之不接者里餘故得是名矣二壁爭高斗聳相亂西瞻雙阜右望始低宋本作如砥穀水自缺門而東廣陽川水注之水出廣陽北山東南流注於穀南望微山雲峰相亂穀水又逕白起壘南戴延之西征記曰次至白起壘去函谷十五里築壘當大道左右有山夾至宋本作相去百餘步從中出北乃故關城非所謂白起壘也是壘在缺門東一十五里壘側舊有隴故治宮所在魏晉之曰引穀水為水治以經國用遺迹尚有穀水又

函谷新關在河南府新安縣東二里

東石默谿水出微山東麓石默谿東北流入於穀穀水又東宋水北流注於穀穀水又東逕魏將作大匠母邱興盛墓南二碑存焉儉父也管輅別傳曰輅嘗隨軍西征過其墓而歎謂士友曰元武藏頭青龍無足白虎衝尸衛魏志作衝朱雀悲哭四危已備法應滅族果如其言穀水又東逕函谷關南東北流阜澗水注之水出新安縣東南流逕母邱興盛墓東又南逕函谷關西關高嶮峽路出塵郭漢元鼎三年樓船將軍楊僕數有大功恥居關外請以家僮七百人築塞徙關於新安即此處也昔郭丹西入關感慨於其下曰不乘駟馬高車終不出此關也去家十二年果如志

白石山在滎池縣東北二十三里

焉阜澗水又東流入於穀穀水又東北逕函谷關城東右合桑爽之水山海經曰白石山西五十里曰穀山其上多穀其下多桑爽之水出焉山海經穀山其爽不得相連世謂之紵麻澗北流注於穀山海經曰其中多碧穀水又東澗水注之山海經曰婁涿山西四十里曰白石之山澗水出焉北流注於穀自下通謂之澗水為穀水之兼稱焉故尚書曰伊洛瀍澗既入於河而無穀水之目是名亦通稱矣劉澂之曰新安有澗水源出北縣又有淵水未知其源余考諸地記竝無淵水但淵澗字相似時有字錯為淵也故關駟地理志曰禹貢之淵水是以知傳寫書誤字謬

少水在新安縣
東一十二里

孝水在河南府
城西南三十里

舛真激之不思所致耳既無斯水何源之可求乎穀
水又東波水注之山海經曰瞻諸山西三十里婁涿
之山無草木多金玉波水山海經出於其陰也疑作
謂之百答水北流注於穀山海經曰其中多苙石文
石穀水又東少水注之山海經曰廆山西三十里曰
瞻諸之山其陽多金其陰多文石少水出於其陰控
引衆谿積以成川東流注於穀世謂之慈澗也穀水
又東俞隨之水注之山海經曰平蓬山西十里廆山
其陽多璵璠之玉俞隨之水出於其陰北流注於穀
世謂之孝水也潘岳西征賦曰澡孝水以濯纓嘉美
名之在茲是水在河南城西十餘里故吕忱曰孝水

在河南而戴延之言在函谷關西劉激之又云出擅
山擅山在宜陽縣西在穀水南無南入之理考尋茲
說當承緣生述征謬誌耳緣生從戎行旅征途訊訪
既非舊土故無所究今川瀾北注激映泥濘何得言
枯涸也皆為疏僻矣竟陵本無此五字

東北過穀城縣北

城西臨穀水故縣取名焉穀水又東逕穀城南不歷
其北又東逕洛水枝流入焉今無水也

又東過河南縣北東南入於洛

河南城西北穀水之右有石磧磧南出為死穀北出
為湖溝魏太和七年暴水流高三丈此地地下停流以

穀城縣故址在
河南府城西北
五十里

河南縣故址在
河南府城內即
周公營洛邑地

河南縣今河南
府附郭首邑洛
陽縣地

邲鄆陌在洛陽
縣城西

成湖渚造溝以通水東西十里浚湖以注灋水穀水
又逕河南王城北所謂成周矣公羊曰成周者何東
周也何休曰名為成周者周道始成王所都也地理
志曰河南河南縣故邲鄆地也京相璠曰邲山名鄆
地邑也十年定鼎為王之東都謂之新邑是為王城
其城東南名曰鼎門蓋九鼎所從入也故謂是地為
鼎中楚子伐陸渾之戎問鼎於此述征記曰穀洛二
水本於王城東北合流所謂穀洛鬪也今城之東南
缺千步世又謂之穀洛鬪處俱為非也余按史傳周
靈王之時穀洛二水鬪毀王宮王將竭之太子晉諫
王不聽遺堰三隄尚存左傳襄公二十五年齊人城

西周今洛陽縣
地
東周今河南府
鞏縣地

邲穆叔如周賀韋昭曰洛水在王城南穀水在王城
北東入於灋至靈王時穀水盛出於王城西而南流
合於洛兩水相格有似於鬪而毀王城西南也潁容
之著春秋條例隋經籍志云漢公車徵士潁容著春秋釋例十卷言西城梁
門枯水處世謂之死穀是也始知緣生行中造次入
關經究故事與實違矣考王封周桓公於是為西周
及其孫惠公封少子於鞏為東周故有東西之名矣
秦滅周以為三川郡項羽封申陽為河南王漢以為
河南郡王莽又名之曰保忠信鄉光武都洛陽以為
尹尹正也所以董正京畿率先百郡也穀水又東流
逕乾一作祭門北子朝之亂晉所開也東至于金竭

輒

祭門北子朝之亂晉所開也東至于金竭

千金塢今名千金堰在河南府城外三十五里

太和三年魏明帝年號

河南十二縣境簿曰河南縣城東十五里有千金塢洛陽記曰千金塢舊堰穀水魏時更修此堰謂之千金塢積石為塢而開溝渠五所謂之五龍渠渠上立塢塢之東首立一石人石人腹上刻勒云太和五年二月八日庚戌造築此塢更開溝渠此水衡渠上其水此有誤當云此水衡渠止其水助其堅也必經年歷世是故部立石人以記之云爾蓋魏文帝修王張故績也塢是都水使者陳協所造也語林成陳協數進阮步兵酒後晉文王欲修九龍堰阮舉協文王用之掘地得古承水銅龍六枚堰遂曰水歷塢東注謂之千金渠逮於晉世大水暴注溝瀆泄壞又廣功焉石人東脇下文

泰始四年西晉武帝年號

云太始七年六月二十三日大水并瀑出常流上三丈蕩壞二塢五龍泄水南注瀉下加歲久漱齧每澇即壞歷載消棄大功今故為今塢宋本作損棄大塢功故為今塢於西開泄名曰代龍渠地形正平誠得為宋本作瀉泄至理千金不與水勢激爭無緣當壞由其卑下水得輸宋本作喻上漱齧故也今增高千金於舊一丈四尺五龍自朕必歷世無患若五龍歲久復壞可轉於西更開二塢二渠合用二十三萬五千六百九十八功以其年十月二十三日起作功重人少到八年四月二十日畢代龍渠即九龍渠也後張方入洛破千金塢公私賴之水積年渠塢頽毀石砌殆盡遺基見存朝廷

太和後魏孝文帝年號

太和中修復故竭按千金堰石人西脇下文云若溝渠久疏淡引水者當於河南城北石磧西愛開渠北出使首孤立故溝東下因故易就磧堅便時事業已訖然後見之加邊方多事人力苦少又渠竭新成未患於水是以不敢預修通之若於後當復興功者宜就西磧故書之於石以遺賢矣雖石磧淪敗故迹可馮準之於文北引渠東合舊瀆舊瀆又東晉惠帝造石渠於水上按橋西門之南頰文稱晉元康二年十一月二十日改治石巷水門除堅宋本作堅枋更為函枋立作覆枋屋前後辟級續石障使南北入岸築治漱處破石以為殺矣到三年三月十五日畢記并紀

千金堰上有殺水塢

金谷園在河南府城西十三里地有金水自太白原南流經此谷石衛尉之園也有清涼臺遺址即其妾綠珠墜樓處金墉城在河南府城東二十五里即成周故地魏明帝建隋末李密據此城

列門廣長深淺於左右巷東西長七尺南北龍尾廣十二丈巷瀆口高三丈謂之罽門橋又潘岳西征賦曰秣馬罽門即此處也穀水又東又結石梁跨水制城西梁也穀水又東左會金谷水水出大白原東南流歷金谷謂之金水東南流逕晉衛尉卿石崇之故居也石季倫金谷詩集敘曰余以元康七年從太僕出為征虜將軍有別廬在河南界金谷澗中有清泉茂樹眾果竹柏藥草蔽翳此以上是金谷詩集敘文而宋本至今俱脫錯以第十七卷渭水又東過上邽縣注中渭水又東至即洋水也北三百二十二字入此西北角築之謂之金墉城魏文帝起層樓於東北隅晉宮閣名曰金墉有崇天堂即此地上架木為榭故曰樓矣皇

凌雲臺在洛陽
縣舊寧陽門外

居物徙宮極未就止蹕於此構宵榭於故臺所謂臺
以停停也南曰乾光門夾建兩觀觀下列朱桁於塹
以為御路東曰含春門北有退門城上西面列觀五
十步一睥睨屋臺置一鐘以和漏鼓函北連廡蔭墉
北廣榭炎夏之日高歡常以避暑為淶水池一所在
金墉者也穀水逕洛陽小城北因阿舊城馮結金墉
故向地也永嘉亂結以為壘號曰洛陽壘故洛陽記
曰陵雲臺西有金市金市北對洛陽壘者也又東歷
大夏門下故夏門也陸機與弟書云門有三層高百
尺魏明帝造門內東側際城有魏文帝所起景陽山
餘基尚存孫盛魏春秋曰黃初元年文帝愈崇宮殿

華林園在河南
府城東北隅魏
明帝建齊王芳
改為華林園

雕飾觀閣取白石英及紫石英及五色大石於太行
穀城之山起景陽山於芳林園樹松竹草木捕禽獸
以充其中於是百役繁興帝躬自掘土率羣臣三公
已下莫不展力山之東舊有九江陸機洛陽記曰九
江直作員水水中作員壇三破之夾水得相通賦
曰濯龍芳林九谷八谿芙蓉覆水秋蘭被崖今也山
則塊阜獨立江詳上文當作九
江或作谿谷無復髣髴矣渠水又
東枝分南入華林園歷疏圃南圃中有古玉井井悉
以珉玉為之以錙石為口工作精密猶不變古璨焉
如新又瑤華宮南歷景陽山北山在都亭堂上結方
湖湖中起御坐石也御坐前建蓬萊山曲池接筵飛

沿拂席南面射侯夾席武峙背山堂上則石路崎嶇
 巖嶂峻險雲臺風觀纓帶阜遊觀者升降耶閣疑
 阿出入虹陞望之狀鳧沒古本作鳥沒一作鳥鸞舉沒吳本改作鳧沒
 矣其中引水飛畢傾瀾瀑布或枉渚聲溜潺潺不斷
 竹柏蔭於層石繡薄鼓於泉側微颺暫拂則芳溢於
 六空入為神居矣其水東注天淵池池中有魏文帝
 九花鼓九花鼓當作九華殿洛陽宮殿簿有明光殿
 還洛陽宮復崇華殿殿基悉是洛中故碑累之今造釣
 臺於其上池南置魏文帝茅茨堂前有茅茨碑是黃
 初中所立也其水自天淵池東出華林園逕聽訟觀
 南故平望觀也魏明帝常言獄天下之命也每斷大

獄恒幸觀聽之以太和三年夏從今名唐六典云刑
司隸按尉屬官掌諸奴男女男子入於罪隸女子入
於春禧之事都官郎中掌配沒隸簿錄俘囚以給衣
糧藥療以理觀西北接華林隸簿昔劉楨磨石處也
 訴競雪冤
 文士傳曰文帝之在東宮也宴諸文學酒酣命甄后
 拜坐坐者咸伏惟劉楨平仰觀之太祖以為不敬送
 徒隸簿後太祖乘步牽車乘城降關疑作簿作諸徒
 咸敬而楨一作坐磨石不動太祖曰此非劉楨也
當作石如何性楨曰石出荆山元巖之下外炳五色
 之章內秉堅貞之志雕之不增文磨之不加瑩稟氣
 真正稟性自朕太祖曰名豈虛哉復為文學池水又
 東流於洛陽縣之南池池即故狄泉也南北百一十

周景王陵在河南府城西北隅威烈王陵在城東北隅

步東西七十步皇甫謐曰悼王葬景王於翟泉今洛陽太倉中大夫冢是也春秋定公元年晉魏獻子合諸侯之大夫於翟泉始盟城周班固服虔皇甫謐咸言翟泉在洛陽東北周之墓地今按周威烈王葬洛陽城內東北隅景王冢在洛陽太倉中翟泉在兩冢之間側廣莫門道東建春門路北路即東宮街也於洛陽為東北後秦封呂不韋為洛陽十萬戶侯大其城并得景王冢矣是其墓地也及晉永嘉元年洛陽東北步廣里地陷有二鵝出蒼色者飛翔冲天白色者止焉陳留孝廉董養曰步廣周之狄泉盟會之地今色蒼胡象矣其可盡言乎後五年劉曜王彌入洛帝

居平陽陸機洛陽記步廣里在洛陽城內宮東是狄泉所在不得於太倉西南也京相璠與裴司空彥季修晉輿地圖作春秋地名亦言今太倉西南地水名狄泉又曰舊說言狄泉本自在洛陽北甚宏成周乃繞之杜預因其一證必是狄泉而即實非也後遂為東宮池晉中州記曰惠帝為太子出聞蝦蟆聲問人為是官蝦蟆私蝦蟆侍臣賈印對曰在官地為官蝦蟆在私地為私蝦蟆令曰若官蝦蟆可給廩先是有機云蝦蟆當貴昔晉朝收愍懷太子於後池即是池也其一水自大夏門東逕宣武觀馮城結構不更層墉左右夾列步廊參差翼跂南望天淵池北矚宣武

北芒今北邙山
在河南府城北
一十里

場竹林七賢論曰王戎幼而清秀魏明帝於宣武場
上為欄苞虎阱使力士袒裼迭與之搏縱百姓觀之
戎年七歲亦往觀焉虎乘間薄欄而吼其聲震地觀
者無不辟易顛仆戎亭然不動帝於門上見之使問
姓名而異之場西故賈充宅地穀水又東逕廣莫門
北漢之穀門也北對芒阜連嶺修垣苞惣衆山始自
洛口西踰平陰悉芒龍也魏志曰明帝欲平北芒令
登臺見孟津侍中辛毗諫曰若九河溢涌洪水為害
邱陵皆夸何以禦之帝乃止穀水又東屈而逕建春
門石橋下即上東門也阮嗣宗詠懷詩曰步出上東
門者也一曰上升門晉曰建陽門百官志曰洛陽十

上東門在河南
府東晉洛城門
也石勒曾倚嘯
於此
建陽門在景福
殿東

陽嘉東漢順帝
年號

一門候一人六百石漢志洛陽十二門每門候一人漢官儀云十二門皆有亭東
觀漢記曰邳惲為上東門候光武嘗出夜還詔開門
欲入惲不內上令從門間識面惲曰火明遠遂拒
不開由是上益重之亦袁本初挂節處也橋首建兩
石柱橋之右柱銘云陽嘉四年乙酉壬申詔書以城
下漕渠東通河濟南引江淮方貢委輸所由而至使
中謁者魏郡清淵馬憲監作石橋梁柱敦敦工匠盡
要妙之巧攢立重石累高周距橋工路博流通萬里
云云河南尹邳崇隗丞渤海重合雙福水曹掾中牟
任防史王蔭史趙興將作吏睢陽申翔道橋掾成畢
卑國洛陽令江雙丞平陽降監掾王騰之主石作左

洛陽三市一在城南一在城東

白社里在河南府城東

北平山仲三月起作八月畢成其水依柱文自樂里道屈而東出陽渠昔陸機為成都王穎入洛敗此而返水南即馬市也舊洛陽有三市斯其一也陸機洛陽記云洛陽舊有三市一曰金市在宮西大城內二曰馬市在城東三曰羊市在城南嵇叔夜為司馬昭所害處也北則白社故里也昔孫子荆會董威輦於白社謂此矣以同載為榮故有威輦圖晉書董輦初與隴西計吏俱至洛陽被髮行吟常宿白社中時乞於市得殘碎繒絮結以自覆孫楚時為著作郎數就社中與語勸之仕京以詩答之遂逃去又東運馬市石橋橋南有二石柱竝無文刻也漢司空漁陽王梁之為河南也將引穀水以漑京都渠成而水不流故以坐免後張純堰洛而通漕洛中公私懷瞻是渠今引穀水蓋純之

鞏縣今屬河南府在府東北一百二十里

創也按陸機洛陽記劉澂之永初記言城之西面有陽渠周公制之也昔周遷殷民於洛邑城隍偏狹卑陋之所耳晉故城成周以居敬王秦又廣之以封不韋以是推之非專周公可知矣亦謂之九曲瀆故河南十二縣簿云九曲瀆在河南鞏縣西西至洛陽又按傅暘晉書云都水使者陳良舊本作狼鑿運渠從洛口入注九曲至東陽門是以阮嗣宗詠懷詩所謂朝出上東門遙望首陽岑又言遥遥九曲間徘徊欲何之者也陽渠水南暨閭闔門漢之上西門者也漢宮記曰上西門所以不純白者漢家厄於成故以丹鏤之太和遷都徙門南側其水北乘高渠枝分上下歷故

太和後魏孝文
帝年號

石橋東入城逕望先寺中有碑側法子丹碑作龍
矩勢疑當作龍距於今作則佳方古猶劣渠水又東
歷故金市南直千秋門右宮門也又枝流入石逗伏
流注靈芝九龍池魏太和中皇都遷洛陽經構宮極
修理街渠務窮隱疑脫發石視之嘗無毀壞又石工
細密非今之所擬亦奇為精至也遂因用之其一水
自千秋門南流逕神虎門下東對雲龍門二水疑作
衡楸之上皆列初學記引雲龍風虎之狀以火齊薄
之及其晨光初起夕景斜輝霜文翠照陸離眩目又
南逕通門掖門西又南流東轉逕閭闔門南按禮王
有五門謂臯門庫門雉門應門路門路門一曰畢門

景明正始後魏
宣武帝年號

亦曰虎門也魏明帝上法太極於洛陽南宮起太極
殿於漢崇德殿之故處改雉門為閭闔門昔在漢世
洛陽宮殿門題多是大篆言是蔡邕諸子自董卓焚
官殿魏太祖平荊州漢吏部尚書安定梁孟皇善師
宜官八分體求以贖死太祖善其法常仰繫帳中愛
翫之以為勝宜官北宮榜題咸是鵠筆南宮既建明
帝令侍中京兆韋誕以古篆書之皇都遷洛始令中
書舍人沈含馨以隸書書之景明正始之年又敕符
節令江式以大篆易之今諸桁榜題皆是式書周官
太宰以正月縣治法於象魏廣雅曰闕謂之象魏風
俗通曰魯昭公設兩觀於門是謂之闕從門厥聲爾

偃師縣今屬河南府在府東七
十里

雅曰觀謂之闕說文曰闕門觀也漢官典職曰偃師
去洛四十五里望朱雀闕其上鬱然與天連是明峻
正矣洛陽故宮名有朱雀闕白虎闕蒼龍闕北闕南
宮闕也東觀漢記曰熹始發洛陽李松奉引車馬奔
觸北闕鐵柱門三馬皆死即斯闕也白虎通曰門必
有闕者何闕者所以飾門別尊卑也今閭闔門外夾
建巨闕以應天宿雖不如禮猶象魏之上而加復思
以易觀矣廣雅曰復思謂之屏釋名曰屏自障屏也
學思在門外學復也臣將入言事於此復重思之也
漢末兵起壞園陵學思曰無使民復思漢也故鹽鐵
論曰垣闕學思言樹屏隅角所架也穎容又曰闕者

銅駝街在河南
府城東關

熙平後魏宣武
帝年號

上有所失下得書之於闕以求論譽於人故謂之
闕矣今闕前水南道右置登聞鼓以納諫也昔黃帝
立明堂之議堯有衢室之問舜有告善之旌禹有立
鼓之訊湯有總街之誅武王有靈臺之復皆所以廣
設過誤之備也渠水又枝分夾路南逕出太尉司徒
兩坊間謂之銅駝街舊魏明帝置銅駝諸獸於闔闔
南街獸古本作獵
吳改作獸陸機云駝高九尺即出大尉坊者
也水西有永寧寺熙平中始創也作九層浮圖浮圖
下基方一十四丈自金露样下至地四十九丈取法
代都七級而又高廣之洛陽伽藍記云永寧寺熙平
元年靈太后胡氏所立也中
有九層浮圖一所架木為之舉高九十丈有利復高
十丈合去地一千尺去京師百里遙已見之初掘基

至黃泉下得金像三十軀太后以為法信之徵刹上有金寶瓶容二十五石寶瓶下有承露金盤三十重周幣皆垂金鐸雖二京之盛五都之富利刹靈圖未有若斯之構按釋法顯行傳西國有爵鬱一作離浮圖其高與此相狀東都西域俱為莊妙矣其地是曹爽故宅經始之日於寺院西南隅得爽窟室下入地可丈許地壁悉纍方石砌之石作細密都無所毀其石悉入法用自非曹爽庸匠亦難復制此桓氏有言曹子丹生此豚犢信矣渠左是魏晉故廟地今悉民居無復遺墉也渠水又西歷廟社之間南注南渠廟社各以物色辨方周禮廟及路寢皆如明堂而有燕寢焉唯桃廟別無後代通為一廟列正室於下無復燕寢之制

咸寧西晉武帝年號

禮天子建國左廟右社以石為主祭則希冕今多王公攝事王者不親拜焉咸陵元年洛陽大風帝社樹折青氣屬天元王一作皇東渡魏一作晉社代昌矣渠水自銅駝街東逕司馬門南魏明帝始築闕崩壓殺數百人遂不復築故無闕門南屏中舊有置銅翁仲處金狄既淪故處亦禡唯壞石存焉自此南直宣陽門經緯通達皆列馳道往來之禁一同兩漢曹子建嘗行御街犯門禁以此見薄渠水又東逕杜元凱所謂狄泉北今無水坎方九丈六尺濶二丈餘似是人工而不類於泉陂是驗非之一證也又皇甫謐帝王世紀云王室定遂徙居成周小不受王都故壞翟泉而

白馬寺在河南
府城東漢明帝
時中國有僧寺
之始永平十年

所建也宋淳化
元至順間俱勅
修明洪武二十
三年重修

廣之泉源既塞明無故處是驗非之二證也杜預言
狄泉在太倉西南既言西南於雒陽不得為東北是
驗非之三證也稽之地說事幾明矣不得為狄泉也
渠水歷司空府前逕太倉南東出陽門石橋下注陽
渠穀水逕閭闔而南土山東水西三里有阪阪上有
土山漢大將軍梁冀所成築土為山植林成苑張璠
漢記曰山多峭阪以象二嶠積金玉採捕禽獸以充
其中有人殺苑兔者迭相尋逐死者十三人南出逕
西陽門舊漢氏之西明門也亦曰雍門矣舊門在南
太和中以故門卯出故徙是門東對東陽門穀水又
南逕白馬寺東是漢明帝夢見大人金色項佩白光

以問羣臣或對曰西方有神名曰佛形如陛下所夢

得無是乎於是發使天竺寫致經象始以榆欏盛經

白馬負圖表之中夏故以白馬為寺名此榆欏榆欏

考之表宏漢紀及牟子俱不言其事唯吳越春秋嘗

有甘密九欏文筒七枚之文解者以為欏與窳通而

齊民要術云榆十五年後中為車穀及蒲葡萄窳知以

榆木為窳遠致蒲葡萄也窳窳欏三字互通則榆欏乃

以榆木為後移在城內愍懷太子浮圖中近世復遷

此寺然金光流照法輪東轉創自此矣穀水又南逕

平樂觀東李九平樂觀賦曰乃設平樂之顯觀章祕

偉之奇珍華嶠漢書曰靈帝於平樂觀下起大壇上

建十二重五采華蓋高十丈壇東北為小壇復建九

重華蓋高九丈列奇兵騎士數萬人天子住大蓋下

平樂觀在河南
府城西漢紀云
靈帝中平五年
耀兵於此

禮畢天子躬擐甲稱無上將軍行陣三市而還設祕
戲以示遠人故東京賦曰其西則有平樂都場示遠
之觀龍雀蟠蜿天馬半漢應劭曰飛廉神禽能致風
氣古人以良金鑄其形明帝永平五年長安迎取飛
廉并銅馬置上西門外平樂觀今於上西門外無他
基觀唯西明門外獨有此臺巍然廣秀疑即平樂觀
也又言皇女雅殤葬於臺側故復名之曰皇女臺晉
灼曰飛廉鹿身頭如雀有角而蛇尾豹文董卓銷為
金用銅馬徙於建始殿東階下胡軍喪亂此象遂淪
穀水又南達西門門故廣陽門也門左枝渠東派入
城逕木一作太杜前又東逕太廟南又東於青陽門右

下注陽渠穀水又南東屈逕津陽門南故津陽門也
昔洛水汎汎漂落害者衆津陽城門校將築以遏水
諫議大夫陳宜止之曰王遵臣也水絕其足朝廷中
興必不入矣水乃造門而退穀水又東逕宣陽門南
故苑門也皇都遷洛移置於此對闔闔門南直洛水
浮桁故東京賦曰沂洛背河左伊右瀍者也夫洛陽
考之中土卜惟洛食實為神也門左即洛陽池處也
池東舊平城門所在矣今塞北對南陽南宮故蔡邕
曰平城門正陽之門與宮連屬郊祀法駕所由從出
門之最尊者洛陽諸宮名曰南宮有諺臺臨照臺東
京賦曰其南則有諺門曲榭依阻城洫注云諺門冰

靈臺在河南府城南三里

室門也阻依也洹城下池也皆屈曲邪行依城池為道故說文曰隍城池也有水曰池無水曰隍矣諺門即宣陽門也門內有宣陽冰室周禮有冰人日在北陸而藏之西陸朝覲而出之冰室舊在宣陽門內故得是名門既擁塞冰室又罷穀水又逕靈臺北望雲物也漢光武所築高六丈方二十步世祖嘗宴於此臺得走鼠於臺上走鼠當作鼯鼠實氏家傳云實攸治爾雅舉孝廉為郎世祖與百寮遊於靈臺得鼠身如豹文煒有光輝羣臣莫有知者唯攸對曰此名鼯鼠事見爾雅乃賜絹百匹亦諫議大夫第五子陵之所居倫少子也以清正此下疑脫田宅寄止靈臺或十日不炊司隸校尉南陽左雄尚

永建東漢順帝年號

書廬江朱孟興等故孝廉功曹各致禮餉並辭不受永建中卒穀水又東逕平昌門南故平門也又逕明堂北漢光武中元元年立尋其基構上圓下方九室重隅十二堂蔡邕月令章句同之故引水於其下為壁雍也穀水又東逕開陽門南晉宮閣名曰故建陽門也漢官儀曰開陽門始成未有名宿昔有一柱來在樓上琅琊開陽縣上言南城門一柱飛去光武皇帝使來識視良是遂堅傅之刻記年月日以名焉何湯仲弓嘗為門候謝承漢書云何湯字仲弓受學於桓榮為高弟上微行夜還湯閉門不內朝廷嘉之又東逕國子太學石經北周禮有國學教成均之法學記曰古者家有塾黨有

正始後魏宣武
甲午號

庠遂有序國有學亦有虞氏之上庠下庠夏后氏之
東序西序殷人之左學周人之東膠虞庠王制云養
國老於上庠養庶老於下庠故有太學小學教國之
子弟焉謂之國子漢魏以來置太學於國子堂東漢
靈帝光和六年刻石鏤碑載五經立於太學講堂前
悉在東側蔡邕以嘉平四年與五官中郎將堂谿典
光祿大夫礪議郎張訓漢書光祿大夫馬韓說太史
令單颺等奏求正定六經文字靈帝許之邕乃自書
丹於碑使工鐫刻立於太學門外於是後儒晚學咸
取正焉及碑始立其觀視及筆寫者車乘日千餘兩
填塞街陌矣今碑上悉銘刻蔡邕等名魏正始中又

立古篆隸三字石經古文出於黃帝之世倉頡本鳥
跡為字取其孳乳相生故文字有六義焉自秦用篆
書焚燒先典古文絕矣魯恭王得孔子宅書不知有
古文謂之科斗書蓋因科斗之名遂效其形耳言大
篆出於周宣之時史籀創著平王東遷文字乖錯秦
之李斯及胡毋敬有當作改籀書謂之小篆故有大
篆小篆焉然許氏字說專釋於篆而不本古文言古
隸之書起於秦代而篆字文繁蕪會劇者宋本作劇務故
用隸人之省謂之隸書或云即程邈於霍陽增損者
是言隸者篆捷也孫暘之嘗見青州刺史傅宏什初
記引此作說臨淄人發古冢得銅棺前和外隱脫起字

傳宏仁

水經注釋卷十六

為隸字言齊太公六世孫胡公之棺也唯三字是古
隸初學記 同今書證知隸自一作出古非始於秦魏
隸作餘 初傳古文出邯鄲淳石經古文轉失淳法樹之於堂
 西石長八尺廣四尺列石於其下碑石四千八枚廣
 三十丈魏文帝又刊典論六碑附於其次陸機言太
 學贊別一碑在講堂西下列石龜碑載蔡邕韓說高
 堂谿等名太學弟子贊復一碑在外門中今二碑竝
 無石經東有一碑是漢順帝陽嘉八年立碑文云建
 武二十七年造太學年積毀壞永建六年九月詔書
 修太學刻石記年用工作徒十一萬二千人陽嘉九
 年八月作畢碑南面刻頌表裏鏤字猶存不破漢石

泰始西晉武帝
年號

經北有晉辟雍行禮碑是太始二年立其碑中折但
 世代不同物不停故石經淪缺存半毀當作存幾半毀駕
 言永久諒用憮焉考古有三雍之文今靈臺太學竝
 無辟雍處晉永嘉中王彌劉曜入洛焚毀二學尚髣
 髴前基矣穀水於城東南隅枝分北注逕清陽門東
 故清明門也亦曰稅門也亦曰芒門又北逕東陽門
 東故中東門也又北逕故太倉西洛陽地記曰大城
 東有太倉倉下運船常有千計即是處也又北入洛
 陽溝穀水又東左地為池又東右出為方湖東西一
 百九十步南北七十步故水衡署之所在也穀水又
 東南轉屈而東注謂之阮曲云阮嗣宗之故居也穀

晉步兵校尉阮
籍宅在河南府

城東穀水東南
名阮曲

水又東注鴻池陂百官志曰鴻池池名也在洛陽東
二十里丞一人二百石池東西千步南北千一百步
四周有塘池中又有東西橫塘水溜逕通故李尤鴻
池陂銘曰鴻澤之陂聖王所規開水東注出自城池
也開水東注舊本作開又東注玉海引此亦作開又
其誤久矣按藝文類聚張載鴻池陂銘曰開原東
注出自城池蓋其水又東左合七里澗晉後略曰成
都王宋本有使吳人陸機為前鋒都督伐京師輕進
為治軍所處大敗於鹿苑人相登躡死於塹中及七
里澗澗為之滿即是澗也澗有石梁即旅人橋也昔
孫登不欲久居洛陽知楊氏榮不保終思欲遯跡林
鄉隱淪忘死楊駿薶之於此橋之東駿後尋亡矣搜

太康西晉武帝
年號

神記曰太康末京雒始為折楊之歌有兵革辛苦之
詞駿後被誅太后幽死折楊為之應也凡是數橋皆
纍石為之亦高壯矣制作甚佳雖以時往損功而不
廢行旅朱超石與兄書云橋去洛陽宮六七里悉用
大石下負以通水可受大舫過也奇制作奇制作未
詳玉海引
此注無題其上云太康三年十一月初就功用七
萬五千人至四月未止此橋經破落復更修補今無
復文字陽渠水又東流逕漢廣野君酈食其廟南廟
在北山上成公綏所謂偃師西山也山上舊基尚存
廟宇東面門有兩石人對倚北石人胸前銘云門亭
長石人西有二石闕雖經頽毀猶高丈餘闕西即廟

水經注卷之六

亳殷今河南府
偃師縣地

尸鄉在河南府
城西

王弼墓在河南
府偃師縣東

故基也基前有碑文字剝缺不復可識子安仰激芬

於萬古讚清徽於廟象文字厥集矣文字下有脫誤當是載字謂成

公子安集中有陽渠又東逕亳殷南昔盤庚所遷改酈生廟碑文也

商曰殷此始也班固曰尸鄉故殷湯所都者也故亦

曰湯亭薛瓚漢書注皇甫謐帝王世紀竝以為非以

為帝學都矣晉太康地理記竝言田橫死於是亭故

改曰尸鄉非也余按司馬彪郡國志以為春秋之尸

氏也其澤野負原夾郭多墳隴焉即陸士衡會王輔

嗣處也袁氏王陸詩敘機初入洛次河南之偃師時

忽結陰望道左右民居者異苑作左右若因往退宋

作逗異宿見一少年姿神端遠與機言元機服其能苑作投

而無以酬折異苑前至一辨文機異苑有題緯古今

綜檢名實此少年不甚欣解將曉去稅駕逆旅嫗曰

君何宿而來自東數十里無邨落上有山陽王家墓

機乃怪悵還睇昨路空野昏異苑衍霾雲攢異苑有

蔽日知所遇者審王弼也異苑無前至一辨文機六

異苑此山即祝雞翁之故居也搜神記曰雞翁者洛

陽人也居尸鄉北山下養雞百年餘雞至千餘頭皆

有名字欲取呼之名則種別而至後之吳山莫知所

去矣穀水又東逕偃師城南皇甫謐曰帝嚳作都於

亳偃師是也王莽之所謂師氏者也穀水又東流注

於洛水矣

宜陽縣今河南府屬縣

甘杜注王子帶食邑河南縣西南有甘水西二十五里有故甘城今洛陽縣即河南縣地甘城甘水俱在縣西南非山即鹿蹄山在河南府宜陽縣西南三十五里

甘水出宏農宜陽縣鹿蹄山

山在河南陸渾縣故城西北俗謂之縱山水之所導發於山曲之中故世人目其所為甘棠焉

東北至河南縣南北入洛

甘水發源東北流北屈逕一故城東在非山上世謂之石城也京相璠曰或云甘水西山上夢汁而平夢

疑作廣澗有故甘城在河南城西二十五里指謂是城也

余按甘水東一十許里洛城南有故甘城焉北對河南故城世謂之鹽洛城鹽甘聲相近即故甘城也為王子帶之故邑矣是以昭叔有甘公之稱焉甘水又與非山水會水出非山東谷東流入於甘水甘水又

於河南城西北入洛經言縣南非也故京相璠曰今河南河南縣有甘水北入洛斯得之矣

漆水出扶風杜陽縣俞山東北入於渭

杜陽縣今陝西鳳翔府麟遊縣地

山海經曰踰次之山漆水出焉北流注於渭蓋自北

而南矣尚書禹貢太史公禹本紀云導渭水東北至涇又東逕漆沮入於洛孔安國曰漆沮二水名亦曰洛水也出馮翊北周太王去邠度漆踰梁山止岐下故詩云民之初生自土漆沮又曰率西水許至于岐

下是符禹貢本紀之說許慎說文稱漆水出右扶風杜陽縣岐山東入渭從水漆聲又云一曰漆城池也潘岳關中記曰關中有涇渭灞澇鄠漆沮之水豐

周杜注采邑扶風雍縣東北有周城今在陝西鳳翔府岐山縣南杜陵縣今陝西西安府咸寧縣地

漆縣今陝西直隸州乾州永壽縣地

藍田縣今陝西西安府屬縣南陵縣府屬咸寧縣地

殺棚縣今西安府同官縣又府屬耀州地其故城在耀州東北雲陽縣今陝西直隸州邠州淳化縣地其故城在西安府涇陽縣西北七十里

鄠漆沮四水在長安西有柒縣宋本作在長安西南鄠縣皆注鄠

鄠水北注渭開山圖曰麗山西北有溫池古本作地吳本改作

池然三秦記及漢武故事竝云驪山湯泉又稱溫泉不言溫池也溫池西南八十里

岐川在杜陵埤宋本作北長安西有渠謂之柒當作漆下同渠

班固地理志云漆水出漆縣西關駟十三州志又云

漆水出漆縣西北岐山東入渭今有水出杜陽縣岐

山北柒谿謂之柒渠西南流注岐水但川土奇異今

說互出考之經史各有所據識淺見浮無以辨之矣

漚水出京兆藍田谷北入於灞

地理志曰漚水出南陵縣之藍田谷西北流與一水

合水出西南莽谷東北流注漚水漚水又北歷藍田

川北流注於灞水地理志曰漚水北至灞陵入灞水

沮水出北地直路縣東過馮翊殺棚縣北東入於洛

地理志曰沮出畿縣西東入洛今水自直路縣東南

逕焦石山東南流歷檀臺川俗謂之檀臺水屈而夾

山西流又西南逕宜君川世又謂之宜君水又得黃

嶽口水西北出雲陽縣石門山黃嶽谷東南流注

宜君水又東南流逕殺棚縣故城西縣以谿名漢景

帝二年置其水南合銅官水水出東北而西南逕銅

官川謂之銅官水又西南流逕殺棚縣東西南流逕

其城南原下而西南注宜君水宜君水又南出土門

山西又謂之沮水又東南歷土門南原下東逕懷德

懷德縣今西安府富平縣地

漢萬年陵在西安府臨潼縣東北七十五里鄭渠人呼鄭國渠在西安府富平縣南二十里

界 中山在富平縣

池陽縣今西安府三原縣地其故城在縣東北二十里

萬年縣故城在臨潼縣北

城南城在北原上又東逕漢太上皇陵北陵在南原上沮水東注鄭渠昔韓欲令秦無東伐使水工鄭國間秦鑿涇引水謂之鄭渠渠首上承涇水於中山西瓠口所謂瓠中也爾雅以為周焦誤宋本作瓠矣渠竝北山東注洛三百餘里欲以溉田中作覺欲殺鄭國曰史記作中以溉田中作而始臣為間然渠成亦秦之利率使就渠渠成而用注填闕之水溉澤鹵四萬餘頃史有收字皆畝一鍾關中沃野無復凶年秦以富彊卒并諸侯命曰鄭渠渠瀆東逕宜秋城北又東逕中山南河渠書曰鑿涇水自中山而封禪書漢武帝獲寶鼎於汾陰將薦之甘泉鼎至中山氤氳有黃雲蓋焉

徐廣史記音義曰關中有中山非冀州者也指證此山俗謂之仲山非也鄭渠又東逕捨車宮南絕治谷水鄭渠故瀆又東逕截薛山南池陽縣故城北又東絕清水又東逕北原下濁水注焉自濁水以上無濁水上承雲陽縣東大黑泉東南流謂之濁谷水又東南出原注鄭渠又東歷原逕曲梁城北又東逕太上陵南原下北屈逕原東與沮水合分為二水一水東南出即濁水也至白渠與澤泉合俗謂之柒水又謂之為柒沮水絕白渠東逕萬年縣故城北為櫟陽渠城即櫟陽宮也漢高帝葬皇考於是縣起墳陵署邑號改曰萬年也地理志曰馮翊萬年縣高帝置王莽

頻陽縣今西安
府同官縣富平
縣皆其地

曰異赤也故徐廣史記音義曰櫟陽今萬年矣闕駟
曰縣西有涇渭北有小河渭北一作水也其水又南
屈受名石川水又西南逕郭狼城西與白渠枝渠合
又南入於渭水也其一水東出即沮水也東與澤泉
合水出沮東澤中與沮水隔原相去十五里俗謂是
水為渠水也東流逕薄昭墓南冢在北原上又逕懷
德城北東南注鄭渠合沮水又自沮直絕注濁水至
白渠合焉故濁水得渠沮之名也沮循鄭渠東逕當
道城南城在頻陽縣故城南頻陽宮也秦厲公置城
北有頻山山有漢武帝殿以石架之縣在山南故曰
頻陽也應劭曰縣在頻水之陽今縣之左右無水以

蓮勺縣故城在
西安府渭南縣
北七十里
粟邑縣今同州
府白水縣地

應之所可當者唯鄭渠與沮水又東逕蓮芍縣故城
北十三州志曰縣以草受名也沮水又東逕漢先武
故城北又東逕粟邑縣故城北王莽受名粟城也後
漢封騎都尉耿夔為侯國其水又東北流注於洛水
矣

水經卷十六

新唐書地理志
卷一百一十五
水經卷十六

衣巾拄杖呼民王始語云今當太平十二月天祿永
終歷數在晉遂遷魏而事晉

又東過源道縣南

右則岑谿水次則同水俱左則過水右注之源一作

水東南逕源道故城西昔秦孝公西斬戎之獮王於

此應劭曰獮戎邑也漢靈帝五年別為南安郡赤亭

水出東山赤谷西流逕城北南入渭水渭水又逕城

南得粟水水出西南安都谷東北流注於渭渭水又

東新興川水出西南烏鼠山二源合舍宋本作注東北流

與彰川合水出西南谿下東北至彰縣南本屬故道

候尉治漢地理志晉地志後漢縣之永元元年帝封

源道縣今隴西
縣地其故城在
府城東一十五
里

漳縣今鞏昌府
屬縣

新興縣今鞏昌府寧遠縣地

耿秉為侯國也萬年川水出南山東北流注之又東北注新興川又東北逕新興縣北晉書地道記南安之屬縣也其水又東北與南川水合出西南山下東北合北水又東北注於渭水渭水又東逕武城縣西武城川水入焉津源所道出鹿部西山兩源合注東北流逕鹿部南亦謂之鹿部水又東北昌邱水出西南邱下東北注武城水亂流東北注渭水渭水又東入武陽川又有關城川水出南安城谷水出北邱川參差注渭水渭水又東與落門西山東流三府谷水注之三川統一東北流注於渭水有落門聚昔馮異攻落門未拔而薨建武十年來歙又攻之擒隗囂子

水經卷十七

漢桑欽撰 後魏酈道元注 新安張匡學三悅氏釋

渭水上

渭水出隴西首陽縣渭谷亭南鳥鼠山

渭水出首陽縣首陽山渭首亭南谷山在鳥鼠山西

北此縣有高城嶺嶺上有城號渭源城渭水出焉三

川宋本合注東北流逕首陽縣西與別源合水出南

鳥鼠山渭水出谷尚書禹貢所謂渭出鳥鼠者也他

說曰鳥鼠山同穴之枝榦也渭水出其中東北過

過同穴枝間既言其過明非一水也又東北流而

會於殊源也渭水東南流逕首陽縣南右得封浞水

首陽縣今甘肅蘭州府渭源縣地鳥鼠山即禹貢鳥鼠同穴山在縣西一十里

襄武縣今甘肅鞏昌府首縣隴西縣地其故城在府城東南五里

次南得廣相谿水次東得共谷水左則天馬谿水次南則伯陽谷水竝參差翼注亂流東南出矣又北過襄武縣北

廣陽水出西山二源合注成一川東北流注於渭渭水又東南逕襄武縣東北荆頭川水入焉水出襄武西南烏鼠山荆谷東北逕襄武縣故城北王莽受名相桓漢護羌校尉溫序行部為隗囂部將荀宇所拘銜鬚自刎處也其水東北流注於渭渭水常若東南不東北也又東泉水注之水出西南雀富谷東北逕襄武縣南東北流入於渭魏志稱咸熙二年襄武上言大人見身長三丈餘跡長三尺一寸白髮著黃單

隴山說文天水大坂也山高而長七日迺越秦州在其西陝西鳳翔府隴州在其東瓦亭在秦州東北

冀也涼州別駕閻伯儉潛出水中將告急夏侯淵為超所擒令告城無救伯儉曰大軍方至咸稱萬歲超怒數之伯儉曰卿欲令長者出不利之言乎遂殺之渭水又東合冀水水出冀谷次東濁谷水次東有當里谿水次東有託里水次東有渠谷水次東黃土川水俱出南山北逕冀城東而北流於渭渭水又東出峯峽古作峯吳改入新陽川逕新陽下城南谿谷赤蒿二水竝出南山東北入渭水渭水又東與新陽崖水合即隴水也東北出隴山其水西流隴右逕瓦亭南隗囂聞略陽陷使牛邯守瓦亭即此亭也其水亦出隴山東南流歷瓦亭北又西南合為一水謂之瓦

秦州古成紀地
成紀縣故城在
州境

亭川西南流逕清賓谿北又西南與黑水合水出黑
城北西南逕黑城西南流莫吾南川水注之水東
北出隴垂西南流歷黑城南注黑水黑水西南出縣
鏡峽又西南入瓦亭川又有澁水自西東會世謂之
鹿角口又南逕阿陽縣故城東中平元年北地羌胡
與邊章侵隴右漢陽長吏蓋勳屯阿陽以拒賊即此
城也其水又南與燕無水合水源延發東山西注瓦
亭水瓦亭水又南左會方城川西注瓦亭水瓦亭水
又南逕成紀縣東歷長離川謂之長離水右與成紀
水合源導西北當亭川東流出破石峽津流遂斷故
瀆東逕成紀縣故帝太皞庖犧所生之處也漢氏以

純隴右平渭水自落門東至黑水峽左右六水夾注
左則武陽谿水東門得土門谷水俱出北山南流入
渭右則有溫谷次東有故城谿水次東有閭里谿水
亦名習谿水次東有黑水竝出南山北流入渭水又
東出黑水歷冀川

又東過冀縣北

渭水至黑水峽至岑峽南北一十水注之北則溫谷
水注之其水道平襄縣南山溫谿東北流逕平襄縣
南城故襄戎邑也王莽之謂平襄縣矣其水東南流
歷三堆南又東流而南屈入黃槐川稷津渠冬則輟
流春夏水盛則通川注渭次則午谷水南入渭水南

冀縣今鞏昌府
伏羌縣地

平襄縣今甘肅
直隸州秦州地

石鼓山在伏羌縣南五十里

東漢漢陽郡治所今伏羌縣地

有長塹谷水次東有安蒲谿水次東有衣谷水竝南出朱圉山山在梧中聚有石鼓不擊自鳴鳴則兵起漢成帝鴻嘉三年天水冀南山有大石自鳴聲隱隱如雷有頃止聞於平襄二百四十里野雞皆鳴石長丈三尺廣厚略等在崖脇去地百餘丈民俗名曰石鼓石鼓鳴則有兵是歲廣漢鉗子攻死囚盜庫兵略吏民衣繡衣自號為仙君黨與漫廣前漢五行志云廣漢鉗子自號山君黨明年冬伏誅自歸者三千餘人信而有徵其水北逕冀縣城北秦武公十年伐冀戎縣之故天水郡治王莽更名鎮戎縣曰冀治漢明帝永平十七年改曰漢陽郡城即隗囂稱西伯所居也後馬超之圍

秦州漢天水郡天水縣其故城去州七十里

僊人峽在秦州

一為天水縣王莽之阿陽郡治也又東潛源隱發通之成紀水東南入瓦亭川川水又東南與受渠水相會水東出大隴山西逕受渠亭北又西南入瓦亭川水又西南流僊人峽路側巖上有死人僊尸巒穴故岫壑取名焉釋鞍就穴直上可百餘仞石路逶迤劣通單步僊尸倚窟枯骨尚全唯無膚髮而已訪其川居之士云其鄉中父老作兒童時已聞其長舊傳此當是數百年骸矣其水又西南與略陽川水合水出隴山香谷西西流右則單谿西注左則閣水入焉其水又西歷蒲池郊石魯水出東南石魯谿西北注之其水又西歷略陽川西得破杜谷水次西得乎相

水經注釋也卷十七

畧陽縣今陝西
漢中府屬縣

谷水又西得金里谷水又西得南室水又西得蹠谷
水竝出南山北流於略陽城東揚波北注川水又西
逕略陽道故城北渥渠水出南山北逕渥峽北入城
建武八年中郎將來歙與祭遵所部護軍王忠右輔
將軍朱寵將二千人皆持鹵刀斧自安民縣之楊城
永始二年成帝罷安定呼他苑以為安民縣起官寺
市里來歙從番須回中伐樹木開山道至略陽夜襲
擊囂拒守將軍金梁成等皆殺之因保其城隗囂聞
略陽陷悉眾以攻歙激水灌城光武親將蹠走西城
世祖與來歙會於此其水自城北注川一水二川蓋
蹠所竭以灌略陽也川水西得白楊泉又西得蒲谷

女媧祠在秦州
北四十里

顯親縣故城在
秦州東南

水西得蒲谷西川又西得龍尾谿水與渭谷水合俱
出南山飛清北入川水又西南得水洛口水源東
導隴山西逕水洛亭西南流又得犢奴水口水出隴
山西逕犢奴川又西逕水洛亭南西北注之亂流西
南逕石門峽謂之石門水西南注略陽川略陽川水
又西北流入瓦亭水瓦亭水又西南出顯親峽石巖
水注之水出北山山上有女媧祠庖羲之後有帝女
媧焉與神農為三皇矣其水南流注瓦亭水瓦亭水
又西南逕顯親縣故城東南漢封大鴻臚竇固為侯
國自石宕次得蝦蟆谿水得金黑水又得宜都谿水
咸出左右參差相入瓦亭水又東南合安夸川口水

上邽縣今秦州
屬清水縣地其
故城在州境

源東出夏胡谷西北流歷夸水川與東陽川水會謂
之取陽交又西得何宕川水又西得羅漢水竝自東
北西南注夸水夸水又西逕顯親縣南西注瓦亭水
瓦亭水又東南得大華谷水又東南得折里谿水又
東得六合水皆出近谿湍峽注瓦亭水又東南出新
陽峽崖岫壁立水出中間謂之新陽崖水又東南流
於渭是也

又東过上邽縣

渭水東歷縣北邽山之陰逕固嶺北東南流蘭渠川
水出自北山帶佩衆谿南流注於渭渭水東南與神
澗水合開山圖所謂靈泉池也俗名之為萬石灣淵

當亭縣今鞏昌
府伏羌縣地

澗不測實為靈異先後漫遊者多離宋本其斃渭水
又東南得歷泉水北歷泉谿東南流注於渭渭水又
東南出橋西亭西又南得藉水口水出西山百澗聲
流總成一川東歷當亭川即當亭縣治也左則當亭
水注之右則曾席水又東與大弁川水出西山此有脫誤
當云又東與大弁川水合水出西山二源合注東歷大弁川東南流注
於藉水藉水又東南流與竹嶺水合水出南山竹嶺
二源同瀉東北入藉水藉水又次東北入上邽縣左
佩五水東會占谿水次東有大魯谿水次東得小魯
谷水次東有楊反谷水咸自北山注藉水藉水右帶
五水竹嶺東得亂石谿水次東得水門谷水次東得

邽山在秦州屬
清水縣治後

羅城谿水次東得山谷水皆導源南山北流入藉水
藉水又東黃瓜水注之其水發源黃瓜西谷東流逕
黃瓜縣北又東清谿白水左右夾注又東北大旱谷
水南出旱谿歷澗北流泉谿委漾同注黃瓜水黃瓜
水又東北歷赤谷咸歸於藉藉水又東合毛泉谷水
又東逕上邽城南又得覈泉水竝出南山北流注於
藉藉水即洋水也古本作洋北有漾水注焉水出縣
西北邽山翼帶衆流積以成谿東流南屈逕上邽縣
故城西側城南出上邽故邽戎國也秦武公十年伐
邽縣之舊天水郡治五城相接北城中有湖水有白
龍出是湖風雨隨之故漢武帝元鼎二年改為天水

小隴山又名分
水嶺在清水縣
界出十道山川
考

郡其鄉居悉以板蓋屋詩所謂西戎板屋也漾水又
南注藉水山海經曰邽山漾水出焉而南流注於洋
謂是水也藉水又東得其陽谷水又得宕水谷水竝
自南山北入於藉藉水又東合段溪水出西南馬門
谿東北流合藉水藉水又東入於渭渭水又歷橋亭
南而入縣諸縣東與東亭水合亦謂之為橋水也清
水又或為通稱矣水源東發小隴山衆川瀉浪一本作瀉
注統成一水西入東亭川為東亭水與小祗大祗二
水合又西北得南神谷水三川竝出東南差池瀉注
又有蘊蒲水翼帶二川與延水竝西南注東亭水東
亭水又西右則曠古本作曠溝水次西得麴谷水水側出

入五經注卷之六十七

清水縣故城在清水縣境

秦谷在秦州境
舊志云秦亭秦始封之地今天水郡有秦亭秦谷

東南二谿西北流注東亭川東亭川水右則溫谷水出小隴山又西莎谷水出南北莎谿西南注東亭川水東亭川水又西得清水口清水導源東北隴山二源俱發西南出龍谷古本作口合成一水西南流磨細野峽逕清池谷又逕清水縣故城東王莽之識睦縣矣其水西南合東亭川謂之清水又逕清水城南又西與秦水合水出東北大隴山秦谷二源雙導厯三泉合成一水而厯秦川川有育故亭秦仲所封也秦之為號始自是矣秦水西逕降隴縣故城南又西南自亥松多二水出隴山合而西南流逕降隴城北又西南注秦水秦水又西南厯隴川逕六槃口過清水城

舊記軒轅邱秦州上邽城東黃帝誕此邱在清水縣東

西南注清水清水上咸謂之秦川又西羌水注焉水北出羌谷引納眾流合以成谿澁水星會謂之小羌水西南流左長谷水西南注之右則東部水東南入焉羌水南入清水清水又西南得縣諸水口其道源西北諸谿東南與長思水水下疑有合字北出思谿南入縣諸水又東南厯縣諸故道北東南入清水清水東南注渭渭水又東南合涇谷水水出西南涇谷之山東北流與橫水合水出東南橫谷西北逕橫水壩入西北涇谷水亂流西北出涇谷峽又西北軒轅谷水注之水出南山軒轅谿南安姚瞻以為黃帝生於天水在上邽城東七十里軒轅谷皇甫謐云生壽邱邱

在魯東門北未知孰是也其水北流注涇涇谷水又
 西北白城谷谿東北流白娥泉水出其西東注白城
 水白城水又東北入涇谷水谷水又東北歷董亭下
 楊難當使兄子保宗鎮董亭即是亭也其水東北流
 注於渭山海經曰涇谷之山涇水出焉東南流注於
 渭是也渭水又東伯陽谷水入焉水出刑馬之山伯
 陽谷北流白水出東南白谿水西北注伯陽水伯陽
 水又西北歷谷引控羣流北注渭水又東歷大利又
 東南流苗谷水注之漢郡國志渭水出隴西鳥鼠同
 穴山地道記云有三危三苗所
 處故有苗谷水出南刑馬山北歷平作西北逕苗谷屈而
 東逕伯陽城南謂之伯陽川蓋李耳西入往逕所由

南田縣故城在
 鳳翔府隴州東
 北一百二十里
 汧縣今鳳翔府
 隴州地
 汧輕煙切音牽
 與汧字音覓異
 汧水出扶風汧
 縣西北入渭

故山原畎谷往往播其名焉渭水東南流衆水瀉浪
 邊次鳴注左則伯陽東谿水注之次東得望松水次
 東得毛六谿水次東得史周谷水次東得黃杜東谿
 水出北山南入渭水其右則胡谷水次東邱谷水次
 東得邱谷東谿水次東有銅巖谷水竝出南山東北
 注渭渭水又東南出石門度小隴山逕南田縣南東
 與楚水合世所謂長蛇水水出汧縣之數歷山也南
 流逕長蛇戍東魏和平三年築徙諸流民以遏隴寇
 楚水又南流注於渭闕駟以是水為沂水焉又東沂
 汧二水入焉余按渭宋本作諸
 疑當作漢地志沂水出汧縣西
 北闕駟十三州志曰與此同復以沂水為龍魚水蓋

散關一名大散關在鳳翔府寶雞縣南五十二里

汧水流經長沙汧羅淵三關大矣自沉之水也

以其津流逕通而受攝其通稱矣水東入散關抱朴子神仙傳曰老子西出關關令尹喜候氣知真人將有西遊者遇老子彊令之著書耳不得已為著道德二經謂之老子書也有老子廟于寶搜神記云老子將西入關關令尹喜好道之士覩真人當西乃要之途也皇甫士安高士傳云老子為周柱下史及周衰乃以官隱為周守藏室史積八十餘年好無名按高士傳云老子好養精氣貴接而不施而世莫知其真人也至周景王十一年孔子年十七遂適周見老聃然幽王失其道平王東遷關以捍移人以職徙尹喜候氣非此明矣而往逕所由茲焉或可渭水又東逕西武功北俗以散關

武功縣今陝西直隸州乾州屬縣故道縣今秦州兩當縣地

名非也褚先生乃曰武功扶風西界小邑也蜀口棧道近山無他豪易高者是也渭水又與其捍水合水疑脫出字周道谷北逕武都故道縣之故城西王莽更名曰善治也故道縣有怒特祠列異傳曰武都故道縣有怒特祠云神本南山大梓也昔秦文公二十七年伐之樹瘡隨合秦文公乃遣四十人持斧斫之猶不斷疲士一人傷足不能去臥樹下聞鬼相與言曰勞攻戰乎其一日足為勞矣又曰秦公必特一作持不休答曰其如我何又曰赤灰跋於子何如乃默無言臥者以告令士皆赤衣隨所斫以灰跋樹斷化為牛入水故秦立為祠又按錄異傳云秦文公時雍南山有大梓樹文公伐之輒有大風雨樹生

陳倉縣今寶雞
縣地陳倉山在
縣東南四十里

陳倉城相連有
二在寶雞縣東
二十里

郁夷縣故城在
隴州西五十里

合不斷時有一人病夜往山中聞鬼語曰秦若使人
被髮以朱絲繞樹伐汝得不困邪樹神無言明日語
聞公如言伐樹斷有一青牛出走入豐水中因
立怒特祠即此一事而兩說附載以廣異聞其水
又東北歷大散關而入渭水也渭水又東而右合南
山五谿水諸宋本澗流注之也

又東過陳倉縣西

縣有陳倉山山上有寶雞鳴祠昔秦文公感伯道之

言遊獵於陳倉遇之於此阪得若石焉其色如肝城

如城如一寶祠之故曰陳寶其來也自東南輝煌古本

作暉暉宋聲若雷野雞皆鳴故曰雞鳴神也地理志

曰有上公明星黃帝孫舜妻冢有羽隱宮漢志陳倉有秦

羽陽秦武王起應劭曰縣氏陳山姚睦曰黃帝都陳

言在此營一作氏開山圖注曰伏羲生成紀紀徙治

陳倉也非陳國所建也魏明帝遣將軍太原郝昭營

宋本陳倉城成諸葛亮圍之亮使昭鄉人靳祥說之

不下亮以數萬攻昭于餘人以雲梯衝車地道逼射

昭昭以火射連石拒之亮不利而還今澗水對亮城

是與昭相禦處也陳倉水出於陳倉山下東南流注

於渭水渭水又東與陽谿合其水上承斜水水自斜

谷分注綏陽谿北屈陳倉入渭故諸葛亮與兄瑾書

曰有綏陽小谷雖山崖絕重谿水縱橫難用行軍者

邏候往來要道通人今使前軍斫治此道以向陳倉

足以扳連賊勢使不得分兵東行者也渭水又東逕

汧縣故城在鳳翔府汧陽縣東三十里

郁夸縣故城南地理志曰有汧水祠王莽受之曰郁平也東觀漢書曰隗囂圍來歙於略陽世祖詔曰桃花水出船檣皆至郁夸陳倉分部而進者也汧水入焉水出汧縣之蒲谷鄉舊本作維中谷波為舊本作絃蒲藪爾雅曰水波之澤為汧汧之為名實兼斯舉水有二源一水出縣西山世謂之小隴山舊本作小隴山巖嶂高嶮不通軌轍故張衡四愁詩曰我所思兮在漢陽欲往從之隴阪長其水東北流歷澗注以成淵潭漲當作溪不測出五色魚俗以為靈而莫敢操宋本作採捕因謂是水為龍魚水自下亦通謂之龍魚川川水東逕汧縣故城北史記秦文公東獵汧田因遂都其地是也

汧山在隴州西四十里

又東歷澤亂為一右曰龍泉泉逕五尺源流奮古本作奮通淪漪四泄東北流注於汧汧水又東會一水發南山西側俗以此山為吳山三峰霞舉壘秀雲天崩巒傾返一作反山頂相捍望之恒有落勢地理志曰吳山在縣西古之汧山也國語所謂虞矣山下石穴廣四尺高七尺水溢石空宋本作穴縣波側注湍湑盪發源穴成川北流注於汧自水會上下咸謂之龍魚川汧水又東南以宋本作成川逕隴縣故城南王莽之扶亭也昔郭歙恥王莽之徵而遯跡於斯建武四年光武封耿況為侯國矣汧水東南歷慈山東南逕郁夸縣逕平陽故城南史記秦寧公二年徙平陽徐廣曰故郁

隴縣故城在鳳翔府汧陽縣東三十里

平陽縣今鳳翔府縣地

蟠溪在寶雞縣東南八十里

之平陽亭也城北有漢邠州刺史趙融碑靈帝建安元年立汧水又東流於渭水渭水之右磻谿水注之水出南山茲谷乘高激流注於谿中谿中有泉謂之茲泉水潭積自成淵渚即呂氏春秋所謂太公釣茲泉也今人謂之几谷石壁深高幽隍邃密林障秀阻人跡罕交東南隅有石室蓋太公所居也水流次平石釣處即太公垂釣之所也其投竿跽餌兩膝遺迹猶存是有磻谿之稱也其水清泠神異北流十二里注於渭北去維堆城七十里渭水又東逕石源即北原也青龍二年諸葛亮出斜谷與司馬懿屯渭南雍州郭淮策亮必爭北原而屯遂先據之亮至渭水

五大原在郿縣西三十里

郿縣故城在郿縣北一十五里渭水之北

又逕五丈原北魏春秋曰諸葛亮據渭水南原司馬懿謂諸將曰亮若出武功依山東轉者是其勇也若西止五丈原諸君無事矣亮果屯此原與懿相禦渭水又東逕郿縣故城南地理志曰右輔都尉治魏春秋諸葛亮寇郿司馬懿據郿拒亮即此縣也

水經卷十七

新唐書
地理志
卷一百一
十五

水經卷十八

漢桑欽撰 後魏酈道元注 新安張匡學三悅氏釋

渭水中

又東逕武功縣北

武功縣今陝西
直隸州乾州屬
縣

渭水於縣斜水自南注之水出縣西南衙嶺山北歷
斜谷逕五丈原東諸葛亮與步騭書曰僕前軍在五
丈原原在武功西十里餘水出武功縣故亦謂之武
功水也是以諸葛亮表云臣遣虎步監孟■據武功
水東司馬懿因水長攻■營臣作竹橋越水射之橋
成馳去其水北流注於渭地理志曰斜水出衙嶺北
至郿注渭水又東逕馬冢北諸葛亮與步騭書曰馬

武功縣故城在
陝西鳳翔府郿
縣境東

中南山杜注在
始平武功縣南
一名終南在西
安府城南五十
里

太白山在武功
縣南九十里

冢在武功東十餘里有高勢攻之不便是以留耳渭
水又逕武功縣故城北王莽之新光也地理志曰縣
有太一山古文以為終南杜預以為中南也亦曰太
白山在武功縣南去長安二百里不知其高幾何俗
云武功太白去天三百山下軍行不得鼓角鼓角則
疾風雨至杜彥達曰太白山南連武功山於諸山最
為秀傑冬夏積雪望之皓然周地圖記曰太白山上
恒積雪半山有橫雪如
瀑布則雨人常以為候故
語曰南山瀑布非朝即暮山上有谷春祠春櫟陽人
成帝時病死而尸不寒後忽出櫟南門及光門上而
入太白山民為立祠於山嶺春秋來祠中上宿焉山
下有太白祠民所祀也劉曜之世是山崩長安人劉

終於崩

此下文理不屬蓋脫簡也按十六國春秋云
劉曜光初四年五月終南山崩長安人劉終

於崩所得白玉方一尺有文字曰皇亡皇亡敗趙昌
井水竭搆五梁等西小袁困囂喪嗚乎嗚乎赤牛奮
刺其盡乎羣臣咸賀以為石勒滅之徵也曜大悅齋
七日而後受之於太廟大赦境內以終為奉揣大夫

忘也惠公孝公立是穆公之後繼世之君矣子孫無

由起宮於祖宗之墳陵矣以是推之知二證之非實

也自忘也至此玩
文義亦有脫簡而左會左陽水世名之西水北出

左陽谿南流逕岐州城西魏置岐州刺史治左陽水

又南流注於雍水雍水又與東水合俗名也北出河

宋本作俗名
之北水出河桃谷南流右會南源世謂之返眼泉亂

流南逕岐州城東而南合雍水州居二水之中南則

兩川之交會也世亦名之為淬空水東流鄧公泉注

後魏岐州治所
在鳳翔府城東

雍縣今鳳翔府附府首邑鳳翔縣又岐山縣地
西號故址在鳳翔府寶雞縣東六十里

之水出鄧艾祠北故名曰鄧公泉數源俱發於雍縣城南縣故秦德公所居也晉書地道記以為西號地也漢書地理志以為西號縣太康記曰號叔之國矣有號宮平王東遷叔自此之上陽為南號矣雍有五時祠以上祠祀五帝昔秦文公田於汧渭之間夢黃虵白天屬地其口止於鄜衍以為上帝之神於是作鄜時祀白帝秦宣公作密時於陳倉北阪祀青帝焉靈公又於吳陽作上時祀炎帝焉獻公作畦時祀赤帝焉漢高帝問曰天有五帝今何四也博士莫知其故帝曰我知之矣待我而五遂立北時祀黑帝焉

書秦文公夢黃虵止於鄜衍又獲陳寶於陳倉北阪城作鄜時秦宣公作密時於渭南祭青帝秦靈公作

與赤水會又北逕思鄉城東又北注渭水

渭水又東合甘水

蕢陽宮在西安府鄠縣西南三十里

鄠甘亭今鄠縣地

水出南山甘谷北逕秦文王蕢陽宮西又北逕五柞宮東又北逕甘亭西在水東鄠縣昔夏啓伐有扈作誓於是亭故馬融曰有扈甘南一作西郊地名也甘水又東得澇水口水出南山澇谷北逕漢宜春觀又東北逕鄠縣故城西澇水際城北出合漢古本美陂水水出宜春觀北東北流注澇水北流入於渭即上林故地也東方朔稱武帝建元中微行北至池陽西至黃山南獵長楊東遊宜春夜漏十刻乃出於外於外宋本與

漢波在鄠縣西

侍中常侍武騎待詔及隴西北地良家子能騎射者

期諸殿下故有期門之號旦明入山下馳射鹿豕狐
 兔手格熊羆上大驩樂之上仍使大中大夫虞邱壽
 王虞即吾古字通與待詔能用竿者舉措漢書作舉籍謂舉計其數而為簿籍
 也阿城以南蓋厓以東宜春以西提封頃畝及其賈
 宜漢書作賈直屬之南山以為上林苑東方朔諫秦起阿
 房而天下亂因陳泰階六符之事上乃拜大中大夫
 給事中賜黃金百斤卒起上林苑故相如請為天子
 遊獵之賦稱烏有先生亡是公而奏上林也
 又東豐水從南來注之
 他說云渭水又東與豐水會於短陰山內水會無他
 高山異巒所有唯原阜石激而已水上舊有僂門橋

姜氏城在寶雞
縣南七里

美陽縣今鳳翔
府扶風縣地後
魏美陽縣今乾
州武功縣地
柱陽縣故城在
鳳翔府城北九
十里

春秋秦穆公失其乘馬見楚人方將食於岐山之陽
 公曰食駿馬之肉而不還飲酒者恐傷女也於是徧
 飲而去岐水又東逕姜氏城南為姜水按世本炎帝姜
 姓帝王世紀曰炎帝神農氏姜母安登據世紀當作神農氏姜姓
 母安登遊華陽感神而生炎帝長於姜水水合而東逕
 美陽縣之中亭川水也水發杜陽縣大嶺側世謂之
 赤泥峴汧波厯澗俗名大橫水也疑即杜水矣其水
 東南流東逕杜陽故城東西三百步南北二百步世
 謂之故縣川又故谷縣有杜陽山山北有杜陽谷有
 地穴北入亦不知所極在大柱山南故縣取名焉亦
 指是水而攝目矣前漢地理志右扶風有杜陽縣杜水南入渭注云公劉避狄而來居
 杜與漆沮之地即王莽之通杜也故地理志曰縣自杜水東

水經注卷十八

好時縣故城在
乾州城東七里

鄧塢在郿縣東
北一十六里

二坑水注之水有二源一水出西北瀆驪水二合而
東歷五將山又合鄉谷水水出鄉谿東南流入杜謂
之鄉谷川又南茨水注之水出好時縣梁山嶺泉
南逕梁山宮西故地理志曰好時有梁山宮秦始皇
起水東有好時縣故城王莽之好邑也世祖建武二
年封建威大將軍耿弇為侯國又南逕美陽縣之中
亭川注雍水謂之中亭水又南逕美陽縣西永元二
年更封鄣雍侯耿秉為侯國其水又南流注於渭渭
水又東逕郿隰南漢獻帝傳曰董卓發卒築郿隰高
與長安城等積穀為三十年儲自云事成雄據天下
不成守此足以畢老其愚如此渭水之東洛谷之水

出其南山洛谷北流逕長城西魏甘露三年蜀遣姜
維出洛谷圍長城即斯地也

又東芒水從南來流注之


芒水出南芒谷北流逕玉女房水側山際有石室世
謂之玉女房芒水又北逕蓋屋縣之竹園中分為二
水漢沖帝詔曰翟義作亂於東霍鴻負倚蓋屋芒竹
即此也其水分為二流一水之東北為枝流一水北
流注於渭也

舊本吳本俱缺此注
謝耳伯據宋本補入

水經注卷十八

五

水經卷十八



真和五成



